

Xwiyíá yayí neainariñí Mako eañípirini.

Ríwamiñí ripi “Xwiyíá yayí neainipaxí Mako eañípiyi” riniñípirini. O Jisaso gí wiepisariñáowa oimónípoyniri urípeañowa wo mimóniñagi aiwi Jerusaremi dání xwé niwiarori íwí sikiño eñáná amipí Jisaso uréwapiyiri eri yaríná siñwí winiñorini. Ríwíyo dání Banabaso tíni Poro tíni émayí añíyo wái urimearíná Mako eni uxídiñorini. Xegí yoí ámi bi Joni Makoyi wírigíárini. O Jisaso rixa nipémáná niwiápnimeámi añínami nání nipeyimáná eñáná ámi xwiogwí obaxí onimiápi nipwémáná eñáná ríwamiñí ripi eañípirini. Romiyí eni “Jisaso Gorixomi xewaxoríani?” niyaiwiro diñí owikwírípoyniri amipí Jisaso Gorixoyá eñí eáñiñípimi dání eñípi nání ríwamiñí neáa uñífrini.

Jono wayí numeaia wago wái uriñí nánirini.

1 ¹Xwiyíá iwamíó Gorixomi xewaxo Jisasi Kiraiso —O nene yeáyí neayimixemeaní nání Gorixo rípeañorini. O nání xwiyíá yayí seainipaxípi ripirini. ²Eñnáná Jono wayí nineameaia wago sini meñáná xwiyíá Gorixoyá wía rókiamoagí Aisaiaoyi riniño Jono ná ríwíyo binío nání Gorixo xegí xewaxomi uriñí ripi ríwamiñí eañinigini, “Aríá ei. Gorixoní gí xwiyíá yañí wiowárimíáo joxi gí íwoxi xámi rimeani nání urowárimíárini. O joxi nání ói simoiníárini. ³O nuri áamá nání diñí meañe niñwearíná joxi nání ríaiwá re riníárini, ‘Áminá ríwíyo binío nání segí diñí ói nañíniñí niwimoiro ñweáfrixini. Ói pírániñí imoarigíápániñí segí diñí pírániñí nimóniro ñweáfrixini.’ Gí xwiyíá yañí wiowárimíáo ríaiwá e riníárini.” Gorixo e riñípa ⁴Jono wayí nineameaia wago áamá nání diñí meañe nírémori wái nurimeri re uragírini, “Gorixo seyíné íwí niga warigíápi yokwarimí seaiini nání segí uyíníi yarigíápi ríwímíni nimamoro nisaníro ñweápoyi. E nerínáyí, wayí seameaimíni.” uraríná ⁵ámá obaxí Judayíyá añíyo dánjyí tíni áwini e wigí añí xwé bi xegí yoí Jerusaremi dánjyí tíni Jono tíñí e nání nuro wigí íwí niga warigíápi nání waropárwí wáná iniigí Jodani rapáyo wayí umeaiagírini. ⁶O Gorixoyá xwiyíá yañí wiowáriño aiwi seáyí e neri weyí menagomani. Rapirapí awíaxí yínagomani. Kamerí —Ayí osíniñí imóniñífrini.

Kamerí íá aga iyíániñí imóniñí niyínimáná arerixí agwoñiñí íriñíyo niyíniri emeagorini. Aiwá eni awiaxí nagomani. Xópé tñi píki iniigí tñi nagorini. ⁷O Jisaso, ríwíyo binío náni wái nemeríná wauní xwiyíá re ragírini, “Nioni ení eániñáoni aiwi ení eániñí nioniyá tñi ríwíyo biníoyá tñi xixenimani. Oyá nimúroni. Omiñí wiiarigíáyí anani wigí bosoyá sikwí sù gwí wíkweaiarigíárini. E neri aiwi nioni simañwíyóniñí yeáyí nuríniri o aga seáyí émi nímúróniñagi náni oyá sikwí sù gwí wíkweaipaxí menini.” nuriri ⁸re uragírini, “Nioni wayí niseameairíná sa iniigí tñini igíá seaeariñárini. Ríwíyo binío wayí niseameairíná kwíyí Gorixoyápi tñi seainíárini.” uriñinigini.

Wayí umeaiñí nánirini.

⁹Jono wái uraríná Jisaso Gariri piropenisíyo xegí añí Nasareti ñweaņe pñi niwiárimi nuri Jonomi wímeááná iniigí Jodani rapáyo wayí numeairi ¹⁰weniñí éyí winiñinigini. Jisaso iniigíyo dáni nímínimeámi yaríná añínami dáni óf iniagi kwíyí Gorixoyá xawiówíniñí xío náni weapariñagi winiñinigini. ¹¹Sini e winaríná Gorixo añínami dáni Jisasomi re urariñagi aríá wiñinigini, “Gí íwí diñí sixí riyiñáoxi náni aga yayí seáyí e ninarini.” urariñagi aríá niwimáná eñáná ¹²Gorixoyá kwíyí Jisasomi rixa ámá náni diñí meañe náni niméra nuri ¹³o e ñweañáná síá 40 nóra waríná Seteno —O imíóyo xiráóniñí imóniñagi náni nñi simañwíyóniñí wuríniñíforini. O nibiri Jisaso xanoyá mañí pírfi owiaíkiniri iwamíó wíwapiyariñagi aí o íwí wí mé síni tñí e niñwearíná añínají niwímearo simiñí wíniñíárini.

Ámá waú waú awami “Nixídípiyi.” uriñí nánirini.

¹⁴Ríwéná Jisaso, Jono rixa gwí ñweañáná, o Gariri piropenisíyómini nuri xwiyíá yayí winipaxí Gorixo xío xegí xwioxíyo mimeámí neri pírániñí umeñweañápi náni wái nurimeri ¹⁵repiyí re wiemeñinigini, “Rixarini. Gorixo seyíné xwioxíyo mimeámí neri pírániñí seameñweañápi siñáni imónini aņwi ayo eñagi náni segí íwí yariñípi ríwímíni nimamoro xwiyíá yayí seainipaxí nioni searariñá ripi diñí níkwíroro ñweáírixini.” nurimeri ¹⁶ipi xegí yoí Gariri riwoñípami nipuríná ámá peyí náni yariñíá waú Saimono tñi xogwáo Adiruo tñi peyí náni ubení ipíyo mamówarariñagi niwiniri niwímeari ¹⁷re uriñinigini, “Agwiagwí omiñí peyí náni yariñí ripi pñi niwiárimi nixídípiyi. Omiñí xegí bi peyí meayariñípa ámá eni axípi e meapisi oeañwapiyimini.” uráná ¹⁸agwiaú re egísisixini. Rixa peyí náni yariñípi pñi niwiárimi númi ugísisixini. ¹⁹Númi waríná Jisaso sini ná jé onimíápi nuríná ámi ámá waú, Sebediomi xewaxowáú Jemiso tñi xogwáo Jono tñi ewéyo niñweámáná egí ubení peyí náni yariñíú aríkiníñagi yadiriñariñagi niwiniri ²⁰rixa “Agwiagwí eni nixídípiyi.” uráná

agwiaú xano t́ni o xegí áamá nigwí omiñí wiiariǵiá t́ni sini ewéyo
 ŋweaŋaná ṕni niwiárimini omi númi ugíisixini.

Imió diñí xixéroariñí womi mixí umáiniñí nánirini.

²¹Jisaso wirimeáróíwa t́ni nuri aŋí yoí Kapaneamiyo nirémoro rixa Sabaríá —Síá ayi Judayí omiñí wí mé kikiíá nero xwiyíá Gorixoyá aríá wianiro nání awí eánariǵiáyirini. Síá ayi imónáná rotú aŋíyo nipáwiro o áamáyo uréwapiyaríná ²²ayi Gorixoyá ŋwí ikaxí eániñípi mewegíáwa uréwapiyarigiápa muréwapiyí aga Gorixoyá ŋwí ikaxí eániñípi xiáwóniñí rariŋagi niwiniro o uréwapiyariniñípi nání miñí síŋá niweániro yaríná ²³íná áamá imió diñí xixéroariñí wo rotú aŋíyo ínimi dání makiríwí nimori ²⁴xwamiáni re uriñinigini, “Nasareti dání Jisasoxi imíone pí neaiminiri bariñini? ‘Xwiríá neaikixéminiri ría bariñini?’ nimónarini. Nioni niǵiárini. Joxi Gorixo xewaxoxi xío rirípeaŋoxirini.” uráná ²⁵Jisaso mixí numáiniri re uriñinigini, “Ṕni wiárei! Diñí xixéroariñípixini niwáramómi ui!” uráná ²⁶imífo áamáomi meañí nearíriri o sinapixwíni neri weŋáná imífo nuríná makiríwí nimómi uñinigini. ²⁷Makiríwí nimómi úagi áamá ńni síŋwí e niwiniro miñí síŋá niweániro xwiyíá niriga nuro re riníǵiawixini, “Xwiyíá apimi xiáwóniñí nearéwapiyariniñípi xegí birini. Eñíná aríá wiagwámani. Aga sini síŋí aí aríá wiariniwini. Imió aí sekaxí uráná aríá wiariniŋoi.” riníǵa ²⁸xwiyíá Jisaso éŋipi nání Gariri piropenisíyo rixa yaní ami ami niwéa uñinigini.

Simixí obaxíyo nañí imimiximí eñí nánirini.

²⁹Jisaso rotú aŋíyo ṕni niwiárimini nipeyari nuri aŋí Saimonoyá t́ni Adiruoyá t́ni xiráxogwáowaúyá aŋíyo nipáwiro Jemiso t́ni xogwáo Jono t́ni eni nawíni páwíáná ³⁰Saimonomi xineagwí wará ría pirí wiariniŋagi nání sá weŋagi Jisasomi rixa áwaŋí uriǵa ³¹o í weŋe nání nuri wéyo íá meááná simixí rixa ṕni wiáriŋagi í niwiápínimeari rixa aiwá ría niyari t́niñípi nimeari mini niwia uñinigini.

³²Rixa síá sisisaŋí imónariná sogwí rixa wéími eŋáná áamá aŋí apimi dání simixí yariǵiáyí t́ni imió diñí xixéroariñíyí t́ni nimeámi Jisaso t́ñí e nání nibiro ³³rixa oxí apixí niaíwí aŋí apimi dányíyí aŋí Jisaso ŋweaŋiwámi íwí e awí eaárinariná ³⁴o áamá pí pí simixí yariǵiáyo nañí imixowáririri áamá imió sayá nimeri xixéroariñíyo eni imió mixí umáinowáririri neríná imió o Gorixo xewaxo eŋagi niǵiá imóniŋagiá nání mixí numáinowáriríná xwiyíá wí orípoyniri síŋwí miwinipa eñinigini.

Jisaso Gariri piropenisíyo emeñí nánirini.

³⁵O wía móniñími sini síá xaíwí yiniŋáná niwiápínimeari nipeyeámáná áamá miŋweagié nání nuri e Gorixomi xwiyíá ririmi niwiri ŋweaŋaná ³⁶Saimono t́ni nikumixiniri emearigiáwa t́ni Jisaso sini

an̄ɣyo miŋwean̄ɣagi niwiniro o n̄áni piá n̄era nuro ³⁷niwímeaŋríná re urigíawixini, “Oxí apixí niaíwí n̄ini joxi n̄áni piá yaniro yariŋoi.” uríagía ³⁸o re uriŋinigini, “E neri aiwí an̄ɣ wíyo nioni xwiyíá ‘Gorixo pírániŋí seameŋweani siŋáni imónini an̄ɣwi ayorini.’ rariŋápi wáí ourimemi n̄áni owaneyi. Xwiyíá api an̄ɣ ami ami áwan̄ɣ uriminiri biŋárini.” nuriri ³⁹Gariri piropeniŋíyo ami ami nemeríná wigí rotú an̄ɣ iwiwámi nipáwiemeri wáí uriri áamá imíó sayá nimeri xixéroariŋí t̄iŋíyo mixí umáinowáriri neri e emeŋinigini.

Peyiyí t̄iŋí womi naŋí imixiŋí n̄anirini.

⁴⁰Áamá peyiyí —Simixí api áamá siŋwí niwiniŋríná neaxímeaniginiri éi yariŋíápirini. Simixí ayí t̄iŋí wo, Jisaso emearíná, omi niwímeari símimaŋímini xómiŋí niyikwiri wauní rixiŋí nuriri re uriŋinigini, “Joxi nisimónirínáyí, anani pírániŋí nimixipaxírini.” uríagi ⁴¹o wá niwianiri wé íeapá niwiri omi seáyí e niwikwiáriri re uriŋinigini, “‘Nioni joxi naŋí oimónini.’ nimónarini. Rixa naŋí imónei.” uráná re eŋinigini. ⁴²Peyiyí rixa axíná yímoŋinigini. ⁴³Rixa apaxí mé yímóagi Jisaso apaxípániŋí imónigíáwa t̄iŋí e n̄áni nurowáriríná aríá jiyikí nori ⁴⁴re uriŋinigini, “Naŋí simixíáyí n̄áni amíná nuri áamáyo áwan̄ɣ muripani.” nuriri áamá o wigí yariŋíápi mé áamáyo xewan̄ɣo áwan̄ɣ nura emeniginiri e nuriri ámi re uriŋinigini, “Amíná apaxípániŋí imónigíáwa t̄iŋí e n̄áni nuri womi siwá niwiniŋi naŋwí ridiyowá n̄áni negí arío Moseso eŋíná ŋwí ikaxí nearagíyí bi ridiyowá siáriri joxi naŋí imóníyí n̄áni áwan̄ɣ riri eni mini wírixini.” uríagi aiwí ⁴⁵o Jisasomi píni niwiárimi nuríná aríki áwan̄ɣ rimeŋinigini. E éagi n̄áni Jisaso áamá aríki upupígí nipírixiniri an̄ɣ bi bimi nuríná siŋáni mirémopaxí niwimóniri n̄áni áamá mayí e ŋwean̄ɣáná áamá ami ami dáni o t̄iŋí e n̄áni bagíárini.

En̄ɣ siwímí en̄ɣ womi naŋí imixiŋí n̄anirini.

2 ¹Jisaso, síá wí rixa nóra núisáná, o ámi an̄ɣ yoí Kapaneamiyo n̄áni nuri xegí an̄ɣyo ínimi ŋwean̄ɣáná áamá obaxí aríá re niwiro “O ámi xegí an̄ɣyo ŋweani.” rariŋagía aríá e niwiro nibiro ²awí neániro nipáwiŋo an̄ɣyo ínimi déroro an̄ɣ íwí e eni píkwipíkwí iniro yaríná o áamá ayí niyoni wáí niwiri p̄né repiyí wiaríná ³ámá wa en̄ɣ n̄áni siwímí en̄ɣ womi —O an̄ɣ epaxomani. Omi íkwiaŋwíyo nikwiáriro níkwónimi nibiro aí ⁴ámá an̄ɣ íwí e píkwipíkwí iniŋagía niwiniro an̄ɣyo nipáwiŋo Jisaso t̄iŋí e tipaxí meŋagi n̄áni nimeámi nipeyiro an̄ɣ ríwí seáyíyo dáni an̄ɣ síá bi Jisaso ŋweaŋe núpíyiro íkwiaŋwí xío weŋínami midimidáni gwí niyuráráriro gwíyo íá nixirimáná an̄ɣ síá úpiyíe dáni awayini mamówáráná ⁵Jisaso awa xíomi diŋí niwikwíroro “O negí áamá en̄ɣ siwímí eŋomi anani naŋí imixipaxírini.” yaiwiaríŋagía niwiniŋi omi re uriŋinigini, “Íwe, joxi íwí ikárinigí rixa yokwarimí siariŋini.” uráná

⁶Gorixoyá ŋwí ikaxí eáníŋipi mewegíá wa Jisaso uréwapiyariŋipi aría wianiro nání e niŋwearíná Jisaso eŋí siwímí eŋomi e urípi aría niwiro ínimi diŋí re nimóá ugiawixini, ⁷“Pí nání ría urarini? Nioni Gorixoniniri yokwarimí riwiiarini? Sa Gorixononi íwí yokwarimí wiariŋorini. Ámá ro Gorixomi riperirí numeariri ría yariní?” yaiwiaríná ⁸Jisaso xegí kwíyíyo dání awa ínimi diŋí e nimóá wariŋagía niwiniri re uriŋinigini, “Soyíné pí nání nioni nání ínimi ‘O íwí ámá yariŋíapi yokwarimí wiipaxomani.’ nimóá wariŋoi?” nuriri ⁹ámi re uriŋinigini, “Ámá wo íwí ikárininí nioni yokwarimí wiánáyí ínimi imóniŋagi nání ámá woxi siŋwí tîni siŋwí winipaxí menini. E neri aiwi nioni ámá eŋí níni siwímí eŋí womi ‘Rixa niwiápínimeari dixí íkwiaŋwí nimeámi ui.’ uránáyí o naŋí imóniŋagi ámá niyínéni siŋwí tîni siŋwí winipaxírini.” nuriri ¹⁰re uriŋinigini, “Niyínéni nioni nání re yaiwipírí nání, ‘Ámá imóniŋo anani ámá xwíá tíyo dánŋíyí íwí ikáriníapi anani yokwarimí wiipaxorini.’ naiwipírí nání pírániŋí siŋwí nanípoyi.” nuriri ¹¹eŋí siwímí eŋomi re uriŋinigini, “Nioni re rirariŋini, ‘Joxi niwiápínimeari dixí íkwiaŋwí nimeámi aŋí e nání ui.’ rirariŋini.” uráná re eŋinigini. ¹²O rixa naŋí nimóniri niwiápínimeari ámá níni siŋwí anigé dání íkwiaŋwí xwaŋwí níkwónimi peyeaŋinigini. E éáná ámá ayí sirí nípikíniro Gorixomi seáyi e numero re rigíawixini, “Nene eŋíná dání aiwi ámá wo ro yariŋípa axípi re yariŋagi miwinagwárini.” rigíawixini.

Ripaiomi “Nixídei.” uriŋí nánirini.

¹³Jisaso ámi aŋí e píni niwiárimimi nuri ipí imañípá tîŋí e ŋweaŋáná oxí apixí niaíwí níni o tîŋí e nání bayariŋagía o nuréwapiya nuri ¹⁴sini ipí imañípámi nipuríná Aripiasomi xewaxo Ripaio —O takisí nání nigwí urápariŋorini. O opisí aŋíyo éí niŋweari xegí omiŋí yariŋagi niwiniri re uriŋinigini, “Joxi ríwíyo nixídei.” uráná o niwiápínimeámi ríwíyo nuxídiri nuro ¹⁵Ripaioyá aŋíyo nípáwiro Jisaso tîni xegí wiepisariŋowa tîni niŋwearo aiwá níniro ámá takisí nání nigwí uráparigíá wa tîni (Eŋíná Judayí aŋíyo takisí nání nigwí urápigiáwa takisí nání nigwí nurápirínáyí wigí meapíría nání nigwí seáyi e bi íwí urápagiá eŋagi nání ámá níni awa nání xwioxíyo dání wikí niwóniro kíkími niwimóniri yagíáriní.) Awa tîni íwí yariŋíá wíniyí tîni ámá ayí obaxí Jisasomi nixídiro nání ayí eni nawíni Jisaso tîni aiwá níniro yariná ¹⁶ámá Parisiyi riniŋíyí wayá ámá Gorixoyá ŋwí ikaxí eáníŋipi mewegíá wa Jisaso ámá takisí nání nigwí uráparigíá wa tîni íwí yariŋíá wíniyí tîni aiwá nawíni nariŋagía niwiniro xegí wiepisariŋowami Jisaso nání re urigíawixini, “O pí nání ámá takisí nání nigwí nearáparigíá awa tîni íwí yariŋíá ayí tîni nawíni aiwá niro iniigí niro yariŋoi? O naŋí riyarini?” uraríná ¹⁷Jisaso e urariŋagía aría niwiri ewayí xwíyíá bi nuriri re uriŋinigini, “Ámá simixí mepa neríná xwirí tîŋí e nání warigíámani. Simixí tígíáyí warigíáriní.

Nioni eni áamá ‘Nioni nigípi wé róniñini.’ yaiwinarigiáyí náni mibiñáriní. Áamá ‘Nioni íwí yariñáonirini.’ yaiwinarigiáyí wigí uyíniñ yarigiápi yokwarimí wiáná ayí wé róniñí imónipíri náni biñáriní.” uriniginini.

“Pí náni aiwá ñwíá miñweaayaríñoi?” urigíá nánirini.

¹⁸ Jisaso tñni xegí wiepisariñowa tñni aiwá ñwíá bi miñweapa yariñagía Jono wayí numeala waríño yá wiepisariñowa tñni áamá Parisiyi riniñowa tñni aiwá náni ñwíá niñwirárinayiróná Jonoyá wiepisariñowa tñni Parisiwayá wiepisarigiá wa tñni nawíni nuro Jisasomi niwímearo re urigíawixini, “Jonoyá neaiepisariñone tñni Parisiwayá neaiepisarigíone tñni aiwá náni ñwíá ñwirárinayariñwini. Pí náni joxiyá wiepisariñowa aiwá ñwíá miñwea yariñoi?” uráná ¹⁹ Jisaso ewayí xwiyíá bi nuriri re uriniginini, “Áamá apixí siñí ñwirárió sini ñweañáná oyá nikumixiniri emearigíáwa aiwá ñwíá nixenwiráriniro yarigiáraní? Oweoi, o sini awa tñni ñweañáná aiwá ñwíá xenwirárinipaxí menini. ²⁰ E neri aiwi o apixí nimeari niñweañísáná eñáná áamá wí omi anínimixáná íná aiwá ñwíá ñweapíríáriní.” nuriri xewaniño apixí siñí ñwirárióniñí imóniñagi náni ewayí xwiyíá e uriniginini. ²¹ Ewayí xwiyíá ámi bi nuriri re uriniginini, “Áamá rapirapí eñinañí niyíga bagíá wú axeniñagi niwiniríná rapirapí siñí sini wayí miróniñí wú nimearo nupákiro gwí kiwearigíámani. E yaniro éfáyí wayí róáná siñí upákíú níkikaríniri eñí nipiperíná eñinañú xwé naxega uníñoi.” nuriri ayí wigí eñíná dáni “Nene e neríná wé róniñí nimónirane niñerínáyí, anani Gorixo tñí e náni peyaníwáriní.” nira wagíápi sini yarigiápi tñni oyá xwiyíá siñí tñni nawíni ikwieropírixiniri ewayí xwiyíá e uriniginini. ²² Ámi axípi oyaiwípoyiniri re uriniginini, “Áamá inligí wainí siñí nimearo memé wará sixí soyí axíyo iwajíá yarigiámani. Iwajíá yaniro éfáyí núpiyimi nipuri sixí soyíwá eni rixa sipi eníñoi. Wainí siñí memé wará sixí siñíyo iwajíá yarigiáriní.” uriniginini.

“Sabaráyo ñwíáxini.” rigíá nánirini.

²³ Jisaso tñni wiepisariñowa tñni Sabaráyo añí nemero wití aiwá omiñí tñí e ófyo niñpuríná wiepisariñowa wití siyí niyíraga waríná ²⁴ áamá Parisiyi riniñíyí wa omi yariñí re wigíawixini, “Awa pí náni ‘Sabaráyo ñwíáriní.’ riniñípi niwiaíkiro wití aiwá niyíriro nariñoi?” uríagía ²⁵⁻²⁶ Jisaso re uriniginini, “Soyíné xwiyíá negí mixí ináyí Depito náni eániñípi íá niroro aiwi diñí wí mimoariñoi. Eñíná Depito, áamá Abaiataoyi riniño —O eñíná apaxípaniñí imóniñí xwé worini. O xegí Judayí Gorixomi ridiyowá wianiro náni seníá añí pákíniñíyo mewenáná, Depito tñni xegí áamá níkumixiniri emearigíáwa tñni aiwá meñagi náni agwí wiaríná o seníá añí pákíniñiwámi niñpáwiri bisíkeríá Gorixo náni peaxí tiniñípi umeaíáná Depito niniri xegí áamáyo eni niniri wiñiginini. Bisíkeríá api apaxípaniñí imónigíáwani anani niñpaxíriní. Api Depito

niniri aiwi Gorixo o nání xwiýá bi murí eḡáná gí wiepisariḡá rowa eni agwí wiarḡagi nání yaríná pí nání xwiýáni mearariḡoi?” nuriri ²⁷re uriḡinigini, “Gorixo ámá xámi nimixárimáná síá wiýi kikiá ḡwearo diḡi sixí yíniro epíri nání Sabariá tiḡírini. Sabariá xámi nitiri ámá ríwíyo Sabariáyo mewepírfa nání imixiḡimani. ²⁸Ayináni ámá imóniḡaoni Sabariá ayo aí xiáwonirini. Nioni ‘Sabariáyo ayí ananirini.’ ripaxí imóniḡaonirini.” uriḡinigini.

Ámá wé kirinḡi eḡi womi nanḡi imixiḡi nánirini.

3 ¹Jisaso ámi rotú aḡi wiwámi nipáwiri ámá wé kirinḡi eḡi wo ḡweaḡagi niwiniri uréwapiyaríná ²ámá Parisi wa —Awa re rarigiárini, “Sabariáyo omiḡi nerínáyí ayí ḡwiárini. Ámá aí Sabariáyo nanḡi nimixirínáyí ayí ḡwiárini.” rarigiárini. Awa Jisaso ámá wé kirinḡi eḡi omi Sabariáyo nanḡi wimixáná omi xwiýá mearaniro nání siḡwí niwiniro ḡweaḡagía aiwi ³o wé kirinḡi eḡomi re uriḡinigini, “Niwiápínimeámi nibiri áwini e éí roi.” nuriri ⁴Parisiowami re uriḡinigini, “Segí diḡi pfoi moariḡoi? ‘Sabariáyo ámáyo nanḡi niwiirínáyí ayí ananirini.’ riyaiwariḡoi? ‘Sabariáyo sipí niwikárirínáyí ayí ananirini.’ riyaiwariḡoi?” nuriri ámi re uriḡinigini, “ ‘Sabariáyo simixíyo píranḡiḡi nimixirínáyí ayí ananirini.’ riyaiwariḡoi? ‘Ámá nipikirínáyí ayí ananirini.’ riyaiwariḡoi?” urfagi aiwi awa xwiýá bi murigiáwixini. ⁵Xwiýá bi murariḡagía niwiniri siḡwí niwinimeríná wikí niwóga nuri awa wé ikí eḡomi wá bi miwianí diḡi kíkímí niwimóga wariḡagía niwiniri awa nání diḡi sipí eni niwiri omi re uriḡinigini, “Wé íeapá énapéi.” uráná o wé íeapá neríná re eḡinigini. Rixa nanḡi imóniḡinigini. ⁶Rixa nanḡi imóniḡagi Parisiowa siḡwí e niwiniro niwiápínimeámi nipeyero ámá mixí ináyí Xeroto tñi nikumixiniri emearigiáwa tñi awí neániro Jisasomi pikianiro nání ínimi mekaxí megíawixini.

Ipípami dání ámá obaxíyo uréwapiyiniḡi nánirini.

⁷Jisaso, Parisiowa xío nání mekaxí meariḡagía, o xegí wiepisariḡowa tñi ámi ipíwá riwonimini úáná ámá Gariri piropeniḡíyo dánḡi obaxí omi númi nuro ámá Judia piropeniḡíyo dánḡíyí tñi ⁸wigí aḡi xwé yoí Jerusaremi áwini e miriniḡipimi dánḡíyí tñi xwíá yoí Idumia ḡweáyí tñi ámá iniiḡi Jodani rapáyo oriwámidáni ḡweáyí tñi émayí aḡi biaú Saidoni tñi Taia tñi tñiḡi e ḡweáyí tñi ámá xwé obaxí ayí Jisaso yariḡipi nání aríá niwiro xío tñiḡi e nání bimiarḡagía ⁹⁻¹⁰Jisaso ámá obaxí simixíyo nanḡi imimiximí éí eḡagi nání ámá nñi simixíyí omi amái rónaniro nání ikwikwierí niga wariḡagía nání xegí wiepisariḡowami re uriḡinigini, “Ámá obaxí amái niniróniríná ninixoyípióa nibariḡoi. Ewéyo píxemoánimi nání píranḡiḡi aḡwi e nitípoi.” uriḡinigini. ¹¹Ámá imió diḡi xixéroarigiáyí Jisasomi niwinirínáyí símimaḡimini nipikínimearo wauní

niwikáriniro “Niaíwí Gorixoyáoxirini.” uraniro yariŋagía nání ¹²o mixí numáinowáririná mixí ríá tíŋí nuriri re uriŋinigini, “Nioni Gorixomi xewaxoni eŋagi nání áwaní mirowiáropani.” uriŋinigini.

Xegí wiepisiniáwami rípeaŋí nánirini.

¹³Jisaso díwíyo nání niyiri ámá xío xegí wimónariŋowami “Soyíné eni yapípoyi.” uráná awa eni xío tíŋí e nání niyiro wímeááná ¹⁴⁻¹⁵o ámá wé wúkaú sikwí waú xío tíni emepíría nání imóniro xío nání wái nurimero ámá imió xixéroariŋíyí mixí umáinowáripaxí nimóniro ero epíría nání rípeaŋinigini. ¹⁶Ámá wé wúkaú sikwí waú xío rípeaŋowa wigí yoí rowarini. Wo Saimono —O Jisaso yoí ámi bi Pitaoyi wírriŋorini. O tíni ¹⁷ámi waú Sebediomi xewaxowáú Jemiso tíni xogwáo Jono tíni —Awaúmi Jisaso yoí Boanesisowáuyi —Yoí míki ayí awaú akiriwíniŋí imónigííwaú eŋagi nánirini. Yoí e wírriŋowáú tíni ¹⁸ámi wo Adiruo tíni ámi wo Piripo tíni ámi wo Batoromuo tíni ámi wo Matiyuo tíni ámi wo Tomaso tíni ámi wo Aripiasomi xewaxo Jemisoyi riniŋo tíni ámi wo Tadiaso tíni ámi wo Saimono —O yoí ámi bi Seretoyi riniŋíyí —Yoí míki ayí “Émáyi ámi oxídownaneyi.” rariŋíyí nánirini. E riniŋo tíni ¹⁹ámi wo yoparo Isikarioti dání Judaso —O Jisaso nání miyí rorírimenŋorini. O tíni ámá wé wúkaú sikwí waú awami rípeaŋinigini.

“O oboyá eŋí eániŋí tíni yarini.” rigíá nánirini.

²⁰Jisaso tíni wiepisariŋowa tíni ámi aŋí e nání nuro ŋweaŋáná ámá obaxí o tíŋí e awí neániro epíroyí wiarŋagía nání niyórímoro aiwá minipaxí wimónariŋagía ²¹Jisasomi xexirímeáyí ámá wí xío nání “Xewaníŋo rixa majiá nikáriniri yarini.” rariŋagía aríá niwiro omi niwirimeámi waniro nání baríná ²²Gorixoyá ŋwí ikaxí mewegía wa aŋí yoí Jerusaremi dání nibimáná Jisaso tíŋí e rémónapíáwa ámáyo Jisaso nání re nura ugíawixini, “Imió xiráóniŋí imóniŋo Bieseuroyí riniŋo —O xegí yoí bi Setenorini. O Jisasomi ríwímimi nirómáná xixéroŋagi nání o ámá imió xixéroariŋíyo mixí umáinowárarini.” nura wariŋagía nání ²³Jisaso awami “Niiwaníŋoni tíŋí e nání bípoyi.” nuriri ewayí ikaxí bi nuriríná re uriŋinigini, “Seteno xegí wíami mixí umáinowáripaxí imónini. riyaiwiaríŋoi?” nuriri ²⁴ewayí xwíyíá ripi uriŋinigini, “Ámá axowa mixí niniro xepíxepá niróniróná eŋí miweániŋa nero mimiaŋwí upírírini. ²⁵Ámá gwí axírí eni mixí niniro xepíxepá niróniróná eŋí miweániŋa nero xwíámi imónipírírini.” nuriri “Seteno xegí wíami mixí umáinowáripaxí mimóniŋagi nání ría neararini?” oyaiwípoyiniri ewayí xwíyíá api nurimáná ²⁶ámi re uriŋinigini, “Seteno eni xegí wíami tíni mixí niniro xepíxepá nirónirónáyí wiwaníŋowa eŋí meání niniro xopírírí inipírírini.” nuriri ayí xewaníŋo nání diŋí re oyaiwípoyiniri “Setenoyá eŋí eániŋípi tíni mé omi xopírírí wimíniri ría yarini?” oyaiwípoyiniri nání ²⁷ámi ewayí

xwiyíá ripi uriñinigini, “Ámá wo ámá ríá riñí woyá iyíá íá urápekixéminiri nání oyá añíyo nipáwiríná amíná añí xiáwomi gwí niyiri nitimáná amipí oyá anani urápekixeniginí.” nuriri ²⁸ ámi re uriñinigini, “Nioni nepa searariñini. Íwí yariǵíápirani, riperírí inarigíápirani, amipí sipí níní ámá yariǵíápi Gorixo anani yokwarimí seainfárini. ²⁹ E neri aiwi ámá Gorixoyá kwíyí nání riperírí méfáyí Gorixo e ríápi ámi wí yokwarimí wiinífamani. Aniñí e nimóniri xwiyíá meárinipíríárini.” uriñinigini. ³⁰ Ayí ripi nání e uriñinigini. Gorixoyá kwíyí tñni imíó mixí umáinowáraníyagi aiwi awa Gorixoyá kwíyí riperírí nimeariro “Jisaso imíó ñiñí xixerónyagi nání imíó wíami mixí umáinowáranini.” rariñagía nání Jisaso xwiyíá api uriñinigini.

Xinái tñni xexirímeáowa tñni nánirini.

³¹ Jisaso sini añíyo ñweañáná xegí xinái tñni xogwáowa tñni nirémónapiro bíariwámíni nirómáná “Jisaso níwíapiri siñwí oneanini.” uráná ³² ámá Jisasomi epíroyí níwiro mini mini niñweaxa pugíá wí re urigíawixini, “Ai ñíxí rinái tñni ririxímeáowa tñni bíariwámíni nirómáná joxi nání rariñoi.” uríagía ³³ o “Ewayí xwiyíá bi ría neararini?” oyaiwípoyiniri yariñí re wiñinigini, “Ámá giyí gí nókí tñni gí nirixímeáowa tñnirini?” nuriri ³⁴ ámá mini mini niñweaxa pugíáyo siñwí níwinimeríná re uriñinigini, “Gí inókíwayíné, nirixímeáowayíné rixa tñ ñweagía ayoi. ³⁵ Ámá giyí Gorixo riñíyo ñiñí níkwíroro xídarigíáyí ayí gí inókíwániñí tñni gí nirixímeániñí tñni imónigíáyirini.” uriñinigini.

Ewayí ikaxí wítí siyí wiároní nánirini.

4 ¹ Jisaso ámi ipí Gariri imañí tññí e nání nuri nuréwapiyiri ámá xwé obaxí awí neáníro epíroyí wiaríyagía o ewéyo nipixemoániri éí niñweari ámá níní sini ipí imañí e ñweañáná ² o nuréwapiyiríná xixewísí xwiyíá amipí obaxí nání nuréwapiyiri ³ re uriñinigini, “Aría époyi. Ámá wo o xegí omiñíyo axípi wítí siyí níwiáróa uminiri nání nuri ⁴ xwíá yuní ikixeariniñe píraníñí níwiáróa nuri aiwi wí óí manípa tñni piéroráná iñí níbiro mimeání eñinigini. ⁵ Ámi wí síñá ínimi yapiniñáná xwíá onimiápi seáyi e eñáná wiároróyí xwíá akwiníánái eñagi nání apaxí mé nerápmáná ⁶ sogwí níwepíniri xaíwí anaríná pipiñí miwáriníyagi nání niyiweániri yeáyí yáriníyini. ⁷ Ámi wí emí pipiñí aríkiáriníyane wiároróyí emí pipiñíyo dání nerápiri xejwiráriníyagi nání wítí siyí api ná miweníyini. ⁸ Ámi wí xwíá nañí e wiároróyí píraníñí nerápiri xwé neri ná níkiáreániríná wí xwé onimiápi níweri wí xwé obaxí níweri wí aga ñiñí nimori íá miropaxí weníyini.” nuriri ⁹ ámi re uriñinigini, “Seyíné wítí siyí nání nioni ewayí xwiyíá ríá api nání aría ókiarí nimónípoyi.” uriñinigini.

Eñíná riniñipi tñni xixeni ewayí ikaxí uriñí nánirini.

¹⁰ Idáná o xegípi ñweañáná wíepisariñowa wé wúkaú síkwí waú tñni ámá wí xío tñni emearigíáyí tñni wigípi ewayí xwiyíá xío rípi nání yariñí

wiaríná ¹¹o re uriniginini, “Xwiyá Gorixo seyíne xío xegí xwioxíyo mimeámí neri seamejweanía nání ejiná dání ínimi imóninipi nioni rixa wía searókiamoarinini. E neri aiwi ámá nioni diñí minikwíró wigí diñí tání néra warigíáyo nioni uréwapiyaríná míkípi aría miní ewayí xwiyá rarinápinini aría niarinjoi. ¹²Ayí ripi nání ewayí xwiyáini urarinini. Gorixoyá xwiyá wía rókiamoagí Aisaiaoyi riniño ámá nioni diñí minikwíró wigí diñí tání néra warigíáyí nání ejiná níriri ríwaminí re eaniginini, ‘Ámá ayí wigí uyíní yarigíápi ríwímíni mamóánáyí Gorixo yokwarimí wiiniginiri ewayí xwiyá aría niwiríná aría niwiro aiwi nijá mimóní ero siñwí niwiniríná siñwí niwiro aiwi diñí mimó ero epíri nání ewayí xwiyáini urinárini.’ Aisaia ejiná ríwaminí e eanipi tání xixeni nioni xixeni e yarinini.” uriniginini.

Ewayí ikaxí wítí siyí wiáronjé míkípi nánirini.

¹³O ámi re uriniginini, “Soyíne ewayí xwiyá nioni ríapi sini majía rimóninjo? Ewayí xwiyá api nijá mimónipa nerínáyí, ewayí xwiyá nioni rariná nipini arige neri nijá imónipíríarini? Míkípi áwanjí oseariminiri rarinini. ¹⁴Ámá wítí siyí wiároarinjoyí xwiyá Gorixo nání wáí nemi urimearinóniní imónini. ¹⁵Ámá wí wítí siyí ópá tání piérópí iní nibiri manariníyíniní imónini. Ayí xwiyá Gorixo nání aría wíápi Seteno ayí Gorixo nání diñí mopírixiniri aníni nibiri píripírí niwiri emi mimeámí yarinirini. ¹⁶Ámá ámi wí wítí siyí síñá ínimi yapinínáná seáyí e xwía onimiápi ejaná wiáróyíniní imónini. Ayí xwiyá Gorixo nání aría niwiróná yayí niwiniri nixídaníro yaríná ¹⁷xwiyá ná ínimi pipiníniní miwárinjagi nání aniní xídarigíamani. Xwiyá Gorixo nání xídaníro yarinjagía nání ámá wí nibiro nepa ení neániro ría xídarinoiniri iwamíó niwíwapiyiri xeaniní wikeáraná apaxí mé píni wiárarigíarini. ¹⁸Ámá ámi wí wítí siyí emí pipiní arikiárininje wiáróyíniní imónini. Ayí eni xwiyá Gorixo nání aría niwiro aiwi ¹⁹amípí xwíáyo dánjé nání diñí obíaxí nimoro ‘Amípí wí nioni minimúropa onini.’ niyaiwiro amípí wí nání ‘Arige nímeaníaríani?’ niyaiwia nurínáyí wítí emí nerápiri xewirárininí yapi nimóni aiwá ná mikikireánariníyí yapi imónarinigíarini. ²⁰Ámá ámi wí wítí siyí xwía nanjé imóninje wiáróyíniní imónini. Ayí xwiyá Gorixo nání aría niwiro diñí níkwíroro píraniní nixídíróná wítí siyí aiwá ná wí xwé onimiápi weri wí xwé obaxí weri wí aga diñí nimori íá miropaxí weri yariníyíniní imónini.” Ewayí xwiyá míkípi nání áwanjé e uriniginini.

Ewayí ikaxí ramixí nánirini.

²¹O wiepisarinjowa “Ámá ayo aniní yumí winíarini.” yaiwipírixiniri sini ewayí xwiyá nání áwanjé nuriríná re uriniginini, “ ‘Ámá ramixí nimixárománá sixí xwé wá nimeari upixákwíaripírixinini.’ riyaiwiarinjo? ‘Pienjé íkwiañwíyo ínimi tipírixinini.’ riyaiwiarinjo? Oweoi, íkwiañwíyo

siŋániŋi e tariŋíárini.” nuriri ²² re uriŋinigini, “Xwiyá eŋíná dáni Gorixo xío xegí xwioxíyo mimeámí neri seameŋweanía náni ínimi imóniŋipirani, amipi píni imóniŋipirani, nipini siŋáni imóniníárini. ²³ Xwiyá nioni searariŋápi náni aría ókiarí nimónípoyi.” nuriri ²⁴⁻²⁵ re uriŋinigini, “Aría niniríná diŋí pírániŋi nimoro aría niríni. E nerínáyí, Gorixoyá diŋí tñi niŋíá nimóniro sini diŋí pírániŋi nimoro aría ninia nurínáyí, oyá diŋí tñi niŋíá ámi wíni nimóga upíríárini. E mepa nerínáyí, píne nioni searariŋápi ríwímimi mamoro íkí nemoro nerínáyí, xwiyá Gorixo nánipi niŋíá wí imónipíríámani. Xwiyá Gorixo nánipi niŋíá onimiápi imónigíáyí aí xewaníyo ámi píripírí winíárini.” uriŋinigini.

Ewayí ikaxí wítí siyí xegípi erápiŋi nánirini.

²⁶ O sini áma e ŋweagíá niyoni xwiyá Gorixo xwioxíyo mimeámí neri umeŋweanía nánipi nuriríná ámi ewayí xwiyá bi nuriri re uriŋinigini, “Gorixo xío xegí xwioxíyo mimeámí neri seameŋweaníápi re imónini. Áma wo omiŋíyo náni nuri wítí siyí niwiáróa núisáná ²⁷ sá weri wiápñimeari yaríná wítí siyí rixa nerápiri xwé neri o ‘Arige nerápiri ría peyarini?’ yaiwiaríná ²⁸ xegípi xwíáyo dáni niŋeyiri iwí niga niyiri siyí neri ná nikikireága niŋeyiri ²⁹ yóí éaná rixa mipaxí eŋagi niwiniríná kirá nimeari miwákwímí yariŋírini.” uriŋinigini. Gorixo xegí xwioxíyo mimeámí neri umeŋweaníápi axípi iwamíó neríná ayí diŋí “Arige neríná xwé imóniníárini?” niyaiwiro aiwi “Xegípi xwé imóniníárini.” oyaiwípoyiniri náni e uriŋinigini.

Ewayí ikaxí masité siyí nánirini.

³⁰ Ámi re uriŋinigini, “Pí pí ewayí xwiyá nirirane Gorixo xwioxíyo mimeámí neri neameŋweaníápi náni raníwini? ³¹ O nibiri neameŋweaníápi masité aiwá siyíniŋi imónini. Masité aiwá siyí nuriríná aga onimiápia wiároarigía aiwi ³² nerápimáná xwé neri aiwá níni negí omiŋíyo yariŋípimi seáyí e nimúrori reŋí sepiá wiewáraráná iŋí nibiri yéwí íniríwámimi tariŋírini.” uriŋinigini. Ayí “Iwamíóyí nene onimiápi neri aiwi ríwéná áma xwé obaxene Gorixo neameŋweaníárini.” oyaiwípoyiniri e uriŋinigini. ³³ Xwiyá Gorixo xwioxíyo mimeámí neri umeŋweaníápi náni nuriríná áma ayí aría wipaxípi tñi xixeni ewayí xwiyá obaxí axípiŋiŋi imóniŋi nura nuri ³⁴ siŋáni áwanŋi bi murí ewayí xwiyáni nura nuri aiwi wiepisariŋowa tñini niŋwearíná ewayí xwiyá xío urariŋi míkípi náni áwanŋi urayiŋinigini.

Ipi imeamíkwí yariŋagi samiŋi imixiŋi nánirini.

³⁵ O ewayí xwiyá nura núisáná síápi tñi axíná xegí wiepisariŋowami re uriŋinigini, “Ipiyo jíariwámimi oxemoaneyi.” uráná ³⁶ awa áma obaxí e awí eánigíáyo píni niwiárimimi ewé Jisaso éi niŋweari e dáni píne

uréwapiyariņpámi eni nípixemoániro Jisaso t́ni nuro ewé wí eni awa t́ni waríná re eņjiniđini. ³⁷Ríwípí biri iniigi eni imeamkwi eri neríná ewéyo mimeámí yaríná ewéyo iniigi rixa niróga wiápínimeaariniđagi niwiniro ³⁸Jisaso ewé íkwémiņimini íkwiaņwíyo sá weņomi saiwiári niwiro re urigiawixini, “Nearéwapiyariņoxini, none rixa iniigi namianiri yariņwáyo! Joxi diņi nimori riweņini?” uráná ³⁹o niwiápínimeari re eņjiniđini. “Ríwípí samiņi oweáriní.” riri “Iniigi imeamkwi yariņipi eni samiņi oweáriní.” riri éáná apaxí mé ríwípí samiņi weri iniigi eni samiņi weri yáráná ⁴⁰re uriniđiniđini, “Soyiné pí náni wáyí seainarini? Diņi minikwíropa nero náni wáyí riseainarini?” uríagi ⁴¹awa ófí nikáriniro náni wigipi re rinigiawixini, “Pí ámáoríani? Imiņi t́ni iniigi t́ni o ráná arire ámániđi aríá niwiri samiņi ríá weņoi?” rinigiawixini.

Imió obaxí xixéroariņomi mixí umáiniđi nánirini.

5 ¹Jisaso t́ni xegí wiepisariņowa t́ni nuro ipí yoí Gaririyo j́ariwámimi ámá wigí yoí Gegesayí aņiyo niwiékínimearo ²o rixa ewéyo dáni ayoááná re eņjiniđini. Rixa ámá imió diņi xixéroariņi wo ámá xwáripáyo dáni niweapiri Jisasomi niwímeari ³—O ámá xwáripáyo aniņi e weagorini. Ámá wí ainixí aí t́ni aí gwí mijáripaxí yagiřorini. ⁴Íníná ainixí t́ni gwí xaíwí wirí t́ni sikwíyo t́ni wéyo t́ni j́arariņagiá aiwi o naríkiárimini wagorini. Ámá wí eņi neániro omi xayipemixipaxí yagiřomani. ⁵Xegipi aniņi xwáripáyo niņwearíná ikwáwiyíná áriwíyíná d́wí t́ni e dáni makiríwí nimóa nuri siņá nimeari píri nuyikíga wagorini. ⁶O Jisaso j́ami bariņagi niwiniri mírí niweri wauní niwikáriniri ⁷⁻⁸Jisaso maņi t́ni “Ámá romi imíoyiné sini diņi mixixéropani. Píni wiáripoyi.” urariņagi o xwamiání niwiri “Jisasoxi pí neaiminiri bariņini?” nuriri “Gorixo ŋwíá amipí niyoni seáyi e múroņomi xewaxoxirini. Wauní siariņagwi náni Gorixoyá siņwíyo dáni ‘Ríniņi wí seaiapimiméini.’ nearei.” uríagiá ⁹Jisaso yariņi “Segí yoí píriní?” wíáná imíowa re urigiawixini, “None xwé obaxí miróniņagwi náni yoí Rijoniyi —Yoí míkí ayí mixí náni xwé obaxí gwí mónariđiá nánirini. Yoí Rijoniyi riniņwini.” nuriro ¹⁰wauní niwiro aríki “Xwíá t́yo dáni imíone mixí mineamáinowáripáni.” nuriro ¹¹odipí aga xwé obaxí bi d́wí wíyo miaúrári niniro aiwá nariņagiá niwiniro ¹²wauní rixiņi re urigiawixini, “Imíone odipíyo ríwímimi niřómáná diņi oxixerópoyiniri siņwí neanei.” uríagiá ¹³Jisaso xe diņi oxixerópoyiniri siņwí wináná imió ámá omi diņi xixerogiápi nimixearo ámi odipíyómimi xixeróáná re egíawixini. Pimaņi éi roņi wí e aņini wéíayí wiári siwá nero aniņini ipíyo nipiéroro piyi egíawixini. Odipí ayí woni maríái, 2,000 piyi egíawixini. ¹⁴E éáná ámá odipí mearigiáyi aņini nuro odipí éíapi náni aņi e ŋweagiáyo áwaņi nurárimini nuro omiņi t́ni e yarigiáyo eni áwaņi nura eméáná ámá níni “Pí ríá eņoi?” niyaiwiro siņwí winaniro nuro ¹⁵Jisaso t́ni e nirémoro

weniŋí éíáyí winigíawixini. Ámá imió dŋí xixéroariŋo xegí yariŋípa mé dŋí sixí níniri aikí niyíniri riwo éí ŋweaŋagi niwiniro xámi imió obaxí dŋí xixérogíá náni “Nepa imió xixéroago oríani?” niyaiwiro wáyí yariná ¹⁶ámá Jisaso imió mixí umáinowáríagi winíáyí repiyí niwiro imió sayá meago éípi náni tŋni odipí éíapi náni tŋni repiyí wíáná ¹⁷Jisasomi wauní niwiro re urigíawixini, “Negí xwíá re píni nineawiárimi ui.” uráná ¹⁸o rixa ewéyo pixemoánimiri yariná imió dŋí xixéróto wauní nuriri “Nioni eni joxí tŋni waníwii.” urariŋagi aiwi ¹⁹Jisaso nioni tŋni xe ouniri siŋwí miwinípa neri re uriŋinigini, “Dixí aŋí e náni nuri dixí ámayo Ámináoni ayá niriŋimixiri síapi náni áwaní nura úirixini.” uríagi ²⁰o nuri aŋí Dekaporisiyo api api níkwíróga uniŋíyo áwaní nura nemerí amipí Jisaso wíŋípi náni áwaní nura emearíná ámá níni dŋí ududí niwiniri “Arige neri naŋí éoríani?” yaiwiagiárimi.

**Apixí ragí aniŋí pwaríŋí wími tŋni miáí peŋí
wími tŋni naŋí imixiŋí nánirini.**

²¹Jisaso tŋni xegí wiepisariŋowa tŋni ámi ewéyo núfasáná ipíyo jíariwámíni niwiékínimearo ewéyo dáni nayoaro ipí tŋí aŋwi e roŋáná ámá obaxí nibiro Jisaso tŋí e epíroyí yariná ²²ámá wo —O Judayíyá rotú aŋí wíyo ámináo nimóniri meŋweaŋorini. Xegí yoí Jirasoyi rinígorini. O nibiri Jisasomi siŋwí niwiníríná oyá sikwí tŋí aŋwi e miŋí xwíáyo níkwírori wauní niwikáriniri ²³wauní xwiýá re uriŋinigini, “Gí miáí rixa aŋwi ayo nipepaxí eni. Í naŋí neri siŋí uni náni joxi nibiri wé seáyi e ikwiárei.” uríagi ²⁴Jisaso o tŋni nawíni úáná ámá níni níxídiro ikwikwierí waríná re eŋinigini. ²⁵Apixí wí —Í xegí ragí aniŋí pwaríná xwiogwí wé wúkaú sikwí waú múroŋírini. ²⁶Í naŋí onimixípoyiniri xwirí obaxíyo nígwí ayá wí niroaayiri míni niwiri aí ríniŋí winariŋípi naŋí bi onimiápi mé niyipeí yariŋírini. Xegí nígwí anipá imóniŋagi aí ámi wíni mixíniŋí yomixariŋírini. ²⁷⁻²⁸Í Jisaso náni aría niwiríná “Oyá iyíáyo aí amái níronírínáyí ámi naŋí emíni.” niyaiwia nibiri ámá epíroyí egiáyo áwini e nidakwiri ríwími dáni wé feapá neri oyá iyíá amái róniŋinigini. ²⁹Amái rónáná ragí aniŋí pwaríŋípi yeáyí sikiáriŋinigini. Ragí yeáyí sikiáriŋí naineniri re yaiwiŋinigini, “Rixa naŋí riyíni réini?” yaiwiaríná ³⁰Jisaso níjía nimóniri “Eŋí eániŋí nioniyá bi nínowárimi ipi ruŋoi?” niyaiwiri níkinimóniri re riŋinigini, “Gí iyíáyo amái go rónigoí?” ráná ³¹xegí wiepisariŋowa re urigíawixini, “Joxi ámá epíroyí nisiro ikwikwierí nisiga waríná pí náni ‘Go gí iyíáyo amái níronigoí?’ rariŋini?” uríagiá ³²apixí e wími siŋwí winimíniri náni sagagí emeariŋagi ³³í “Jisaso pírániŋí nimixírini.” niyaiwiri wáyí neri eŋí óí néra nibiri Jisasomi agwíriwámíni wauní niwikáriniri miŋí xwíáyo níkwírori xí éípi náni wíá rókiamóníagi ³⁴Jisaso re uriŋinigini, “Ineyi, jíxi dŋí nínikwíroriŋípi míni dáni eríkiemeáníni. Simixí ayá sinariŋípi ámi wí siníníá meŋagi náni

ámi ayá bi misiní kikiíá néra ui.” nuriri ³⁵ sini ími e uraríná sini miái simixí weŋe mirémopa neríná áamá wí rotú aŋí meweŋoyá aŋí e dání nibiro Jisaso náni re urémeagíawixini, “Nearéwapiyaríŋomi sini ayá wí muriŋweapani. Dixí miái rixa peŋoi.” uraríná ³⁶ Jisaso aríá e niwiri rotú aŋí meweŋomi re uriŋinigini, “E neri aiwi wáyí mepani. Diŋíni ninikwíróa ui.” nuriri ³⁷ áamá níni e nurakioŋwirárimáná aiwi “Pitao tíni Jemiso tíni xogwáo Jono tíni awa nioni tíni xe obípoyiniri siŋwí owinimini.” niyaiwiri nuro ³⁸ rotú aŋí meweŋoyá aŋí e nirémoro Jisaso yaiwiniŋí niniri rinariŋagi aríá niwiri wí yeyi nira waríná wí ŋwapé rariŋagiá niwiniri ³⁹ aŋíyo nipáwiri re uriŋinigini, “Pí náni ŋwí earo yeyi riro yariŋoi? Miái rixa peŋoiniri ŋwí rimieariŋoi? Í sa sá weni.” nuriri ⁴⁰ ripíá nura waríná o áamá níni emi mimixeámí neri miáími xaniyaú tíni omi kumixinariŋíá waú wo awa tíni aŋí awawá ikwíróniŋí miái weŋíwámi nipáwiro ⁴¹ Jisaso miáími wéyo íá nimaxiriri xegí píné tíni “Tarita kumi.” nuriri —Ayí agapíné “Miá ríyi wiápínimeai.” urariŋwápi nánirini. E uráná re eŋinigini. ⁴² Í rixa niwiápínimeari xegí xwiogwí wé wúkaú sikwí waú eŋagi náni rixa niwiápínimeari aŋí yaríná ayí sirí nipikíniro “Arige ámi ría wiápínimeagoi?” niyaiwiro ududí yaríná ⁴³ Jisaso ŋwí ikaxí re uriŋinigini, “Nioni éapi áamá wíyo áwaní muripa épiyi.” nuriri “Ími aiwá bi míni wípiyi.” uriŋinigini.

Áamá xegí aŋí e dáníyí ríwí umogíá nánirini.

6 ¹ Jisaso aŋí e píní niwiárimi úáná xegí wiepisariŋowa nixída nuro o tíni xegí aŋí e nirémoro niŋweagíasáná ² rixa Sabaríá imóniŋáná o nuri rotú aŋíyo nipáwiri xwiýíá Gorixoyá uréwapiyaríná áamá aríá wííáyí sirí nipikíniro xwioxíyo dání ría niwóróa nuro re rinigíawixini, “Ro xwiýíá api ge ría níjía imónigo? Nijía oyá pí níjíaŋi ría neaŋwapiyarini? Emimí o yariŋípi arige níjía imóniŋirini? Oweoi, re dánorini. Nenéniŋí imónini. ³ Áamá ro xegí omiŋí sa aŋí mirariŋorini. Sa Mariaí xewaxorini. Xegí xexirímeáowa wigí yoí Jemiso tíni Josiso tíni Judaso tíni Saimono ténirini. Xexirímeáíwa nene tíni eni nawíni miŋweapa reŋoi? Arige nimóniri nearéwapiyarini?” niriga nuro “Aríá miwipani.” niriniro wigí xwioxíyo dání wikí niwóga waríná ⁴ Jisaso xewaniŋo náni nuriríná wigí rariŋíáŋi tíni xixeni re uriŋinigini, “Áamá aŋí midáníyí Gorixoyá wía urókiamoarigíáyo aríá umónariŋíá aí wigí e dáníyí tíni xexirímeáýí tíni ‘Sa negí ámaorini.’ niriniro aríá umónariŋíámani.” nuriri ⁵ e emimí miwíwapiyipaxí eŋagi aí áamá simixí yariŋíá wíyoni wé seáyi e niwikwíariri naŋí imixiŋinigini. ⁶ E neríná o ayí diŋí miwikwíropa nero aríá mumónariŋagiá náni ududí winiŋinigini.

Wiepisariŋowa wái urimépoyiniri uowáriŋí nánirini.

O aŋí api api ikwíróniŋí wíyí wíyoni nemeri xwiýíá Gorixoyá nuréwapiya nemeríná ⁷ xegí wiepisariŋowa wé wúkaú sikwí waú

awami “Awí eánípoyi.” nuriri waú waú xixegíni upíri nání nikumixiri niwáriríná imíóyo mixí umáinowáripíri ení sixí eáníñí bi xixegíni ení sixí neámixowáririri ⁸ñwí ikaxí re uriñinigini, “Wagwí wagwí aní wiyí wíyo wáf nemero ‘Gorixoyá xwioxíyo ñweaníwá anwi ayo enagi nání seyíne uyínií néra warigíápi ríwímíni nimamoro nisaníro ñweáfríxini.’ nuriríná amipí wí nimeámi mupani. Aiwá birani, árupianí wúrani, nigwí wowí birani, bi nimeámi mupani. Xoyíwáni eraní nuriga úpoyi. ⁹Sikwí sú niyíniro aiwi iyíá wúkaú mipánipani. ¹⁰Wagwí wagwí aní wí e nirémoríná ámá wo ‘Awagwí anani níwíapíri sá wépiyi.’ earío o tñini sá niwémi úisixini. Sini aní e ikwíróniñípimi nuréwapíyiríná aní axiwámíni sá wéfríxini.” nuriri ¹¹re uriñinigini, “Aní bimi soyíne niseaipemeámi mupa ero aría miseaipa ero éánáyí, aní apimi ríxa píní niwíarími nuríná sikwí sú niwíriro xwíá síkí yeáyí xéniñípi pírí niwíákiárimí úfríxini. Ámá aní apimi ñweáyí ñíñí re yaiwípíri ‘Newaniñene ikáriníñwáyí nání awaú Gorixo nene nání xwiríá winíni nání iyí riyárñii?’ yaiwípíri nání xwíá síkí sikwíyo xéniñípi pírí wíákiáfríxini.” Sekaxí e urowáraná ¹²wiepisariñowa waú waú nikumixiními numíro wáf nura nemeróná repiyí re wigíawixini, “Seyíne uyínií néra warigíápi emí nimoro nisaníro ñweáfríxini.” repiyí e nuríro ¹³ámá obaxíyo imíó ríwíyo nírómáná ñíñí xixéroariñípi mixí numáinowára nuro ámá obaxí simixí wíariñíyo ení raní tñí gíníñí niwíro naní nimíxa ugíawixini.

Jono wayí numeaia uñomi pikigía nánirini.

¹⁴Mixí ináyí Xerotoyi riniño Jisasoyá wiepisariñowa e néra emearíná aní niyoni “Jisaso e yarini. E yarini.” rinariñagía o aría niwiri ñweañáná ámá wí emimí Jisaso yariñípi nání re níriga ugíawixini, “Jono wayí nineameaia wago peño ámi niwíápnimeari Jisaso nimóniri nání emimí api ría éwapínarini?” e níriga waríná ¹⁵ámá wí re níriga ugíawixini, “Traijao —O xwiyíá Gorixoyá wíá nearókiamoagía wo sini mipé yaríná Gorixo niwírimeámi aníñami nání peyiñorini. O niwepíniri emimí api ría yarini?” níriga waríná ámá wí re níriga ugíawixini, “Gorixoyá xwiyíá eníñá wíá nearókiamoagíániñí imóniñí wo ríani?” níriga waríná ¹⁶mixí ináyí Xeroto ámá Jisaso nání xwiyíá xixegíni nira wariñagía aría niwiri aiwi re rayiñinigini, “Jono wayí numeaia wago, nioni siñwí miñí wákwiñáo ríxa niwíápnimeari emimí api yarini.” rayiñinigini. ¹⁷⁻¹⁸Pí nání? Ayí ripí nánirini. Xámi o xegí xexirímeáo Píripoyi riniñoyá apixí Xerodiasíyi riniñí nurápiri nimeari ñweañáná Jono re urayiñinigini, “Joxi ñíxí rírixímeáo xiepí nurápiri nimearínáyí ‘Nípikwini enárini?’ risimónarini?” urayiñigagi mixí ináyí Xeroto ámá wíyo “Jonomi íá xépoyi.” urowáraná awa nuro Jonomi íá níxero gwí niyíro nimeámi niñíro kirapusí aníyo wáraná ¹⁹⁻²⁰mixí ináyí Xerotomi xiepí Xerodiasí Jono nání símí xwanwí níkwóniri aríki “Ríxa opíkípoyi.” rariñagí aí

Xeroto “Jono ámá wé róniŋorini. Ámá ŋwíá Gorixo urowárenapiŋoriani?” niyaiwiri wáyí winariŋagi náni xiepími píri nurakiri Jonomi kirapusí aŋíyo niwárirí aiwí omi e dáni éf numíniri niŋwearíná píné Jonoyá aríá wiminiri náni niwimóniri “O nepa nirarini.” niyaiwiri aí apixí náni wimónariŋagi náni diŋí ududí niwiniri “Ari emíini?” niyaiwiri niŋwearisáná ²¹ síá xináí xiriŋíyi imónáná Xerodiasí o aiwá xwé riyamí niyárimáná ámá áminá Gariri piropeniŋíyo meŋweagiáwami tñni o xegí simiŋí wínariŋíá xiráóniŋí imónigiáwami tñni o xegí gapimanowami tñni wáí urepeáriagi í siŋwí e niwiniri re yaiwiŋinigiŋi, “Rixa gí oxomi yapi wíwapiyíáná xewaníŋo Jonomi nipikiniŋoi.” niyaiwiri Xeroto tñni ámáowa tñni rixa awí neániro aiwá naríná í xegí xemiáími re uowáriŋinigiŋi, “Jíxi ápo tñni e náni nuri siminiŋí ei.” uowáraná ²² í nipáwiri siminiŋí yaríná mixí ináyí Xeroto tñni ámá o tñni aiwá narigiáwa tñni siminiŋí í yariŋípi náni yayí niwiniri náni Xeroto ími re uriŋinigiŋi, “Jíxi pí pí náni simóníŋípi náni yariŋí níáná anani siapimíini.” nuriri ²³ ámi xwíá e dáni re uriŋinigiŋi, “Jíxi xwíá nioni meŋweaŋápi náni ‘Áwini e nepayori midáni niapei.’ niránáyí anani nisiapimíini.” uráná ²⁴ í nipeyari xináími re uriŋinigiŋi, “Inóke, pí náni yariŋí wiminiréini?” uráná xináí re uriŋinigiŋi, “Jono wayí numeaiá wariŋo náni ‘Siŋwí miŋí niwákwiŋi niapei.’ urei.” uráná ²⁵ xemiáí ámi mírí niwáwiri mixí ináyomi re uriŋinigiŋi, “Níni re nimónarini, ‘Aŋíni Jono wayí numeaiá wariŋomi siŋwí miŋí niwákwiŋi miŋo pírerixí winami nikwiáriri nimeámi nibiri niapei.’ nimónarini.” uráná ²⁶ o Jono náni diŋí sipí niwiri aiwí miáími xwíá e dáni ámá o tñni aiwá narigiáwa aríá eŋáná uriŋípi náni ayá niwiniri “Oweoi.” muripaxí niwimóniri re eŋinigiŋi. ²⁷ Xegí simiŋí wínariŋí womi sekaxí re uowáriŋinigiŋi, “Jonomi siŋwí miŋí niwákwiŋi nimeámi bei.” uowáraná o nuri kirapusí aŋíyo nipáwiri e siŋwí miŋí niwákwiŋi pírerixíyo nikwiáriri ²⁸ nimeámi nibiri miáími mini wíáná í nurápími nuri xináími mini wíáná í “Rixa riwo ripikíoi?” yaiwiŋinigiŋi. ²⁹ E éáná Jonoyá wiepisariŋowa aríá niwiro náoni niménapiro nimeámi nuro xwíá weyáriŋiawixini. Xeroto Jonomi píkiŋí eŋagi náni Jisaso ríwíyo emimí yaríná o re yaiwiagiŋini, “Nioni Jono wayí numeaiá wago siŋwí miŋí wákwiŋáo niwiápíni meari ámá Jisaso yi riniŋo nimóniri emimí ría yarini?” yaiwiagiŋini.

Ámá 5,000 ayo aiwá wiŋí nánirini.

³⁰ E yaiwiaríná ámá Jisaso wáí uowáriŋowa ámi nibiro o tñni nerimeániro aŋí api apimi wa emegiápi náni omi repiyí wiro xwiýíá amipí wa nuréwapiya emegiápi náni repiyí wiro néisáná ³¹ Jisaso ámá obaxí omi siŋwí winaniro náni biri uro yayariŋagiá xfo tñni xegí wiepisariŋowa tñni aiwá minipaxí wariŋagi náni wiepisariŋowami re uriŋinigiŋi, “Noneni ámá diŋí meaje náni nurane kikiá bi oŋweaneyi.”

nuriri ³² ewéyo nipixemoániro wigípi áamá diñí meañe nání waríná ³³ áamá wí añí niyoni dání weniñí éíáyí awa ewéyo pwaríñagía niwiniro mí nómixiro añíni xwíáyo nuro xámi nirémoro ñweañáná ³⁴ Jisaso ríwíyo nirémori ewéyo dání nayoari áamá xwé ayá wí epíroyí yáñagía niwiniri áamá ayí sipisipi xiáwo mayíñí nimóniño píráníñí miñweapaxí imóniñagía niwiniri nání ayá nirimixiri amipi obaxí nání nuréwapiya nuri ³⁵ nuréwapiya núisáná enjáná síápi tñi xegí wiepisariñowa añwi e nibiro re urigíawixini, “Rixa síárini. Re añí wí mayí e enjagi nání ³⁶ áamá añí ami ami miriniñíyo nání numiro aiwá bí nero nipírí nání urowárapei.” uríagía aí ³⁷ Jisaso re uriñigini, “Aiwá nipírí nání sewaniñoyíné mini wípoyi.” uríagi awa re urigíawixini, “Aiwá mini wiani nání nurane bisíkeriá (Aiwá níni nání niriñá Judayí bisíkeriái ragíárini.) bisíkeriá nání bí neranéná ói iniñí 200 mini niwirane urápaniréwini?” uríagía ³⁸ o re uriñigini, “Bisíkeriá arari tígíoyínérini? Siñwí winaúpoyi.” uráná awa siñwí niwinaumi nibiro “Bisíkeriá wé wú núni enjáná peyí ná waúnirini.” uríagía ³⁹ o awami “Áamá niyoni sekaxí re urípoyi, ‘Aráyo miaúrárí niga uro éí niñweaxa uro époyi.’ urípoyi.” uríagi ⁴⁰ ayí miaúrárí niga nuríná wí áamá 50 miaúrárí iniro wí áamá 100 miaúrárí iniro néra úáná ⁴¹ Jisaso re enñigini. Bisíkeriá wé wú núni enjipi nimeari peyí waúni enjíwaú eni nimeari siñwí aññami nanániríná Gorixomi aiwápi nání yayí niwimáná kikwirimí néra nuri xegí wiepisariñowa yañí wipírí nání mini niwiayiri peyíwaú eni norori mini wiayaríná wiepisariñowa nurápayiro yañí niwia nuro ⁴² áamá níni niniro agwí ími uyíagi ⁴³ kwikwirimí iniñí e tíápi nimeamero peyí ororómí iniñí e tíápi eni nimeamero soxí íá wé wúkaú sikwí waúmi aumaúmfí nero níni magwí miárigíawixini. ⁴⁴ Áamá oxí aiwá api nigíáwa níni ayí áamá 5,000 nigíawixini.

Jisaso ipíyo seáyi e nosaxa uñí nánirini.

⁴⁵⁻⁴⁶ Jisaso, ayí aiwá niniro nemáná, o wiepisariñowami re uriñigini, “Soyíné ewéyo nipixemoániro ipíyo jíariwámíni añí yofí Betisaida nání xámi nimeápoyi.” nuriri awa rixa úáná áamá e epíroyí egiáyo yayí niwiri xixegíni nurowárapimáná Gorixomi xwiýá urini nání dñwíyo niyiri niñweañisáná ⁴⁷ áríwiyimi wiepisariñowa sini ipíyo áwini e ewé nimeámi waríná xío sini jíe xwíáyo nirómáná ⁴⁸ winiñigini. Awa enjí tñi reariñagía aiwi imiñí xwé símímíni nixemi baríñagi nání ewé añíni miyariñagi niwiniri ipíyo xwíáyóniñí nosaxa nuri rixa isíá yiniñáná xegí wiepisariñowami múróminiri yaríná ⁴⁹⁻⁵⁰ nowani weniñí éíáyí winigíawixini. O ipíyo nosaxa wariñagi niwiniro “Piyiñí siwí wo ría pwarini?” niyaiwiro ói nikáriniro “Yeyi!” niriwo wáyí ayikwí miwinaríná o rixa xwiýá nuriri re uriñigini, “Wáyí mepani. Nionirini. Diñí sixí níniño enjí neániño ñweápoyi. Ananirini.” nuriri ⁵¹ awami niwímeari

ewéyo pixemoánáná re enjiginini. Imiñí eni rixa píní wiáríagi siñwí e niwiniro diñí “Imiñí axínání pí nání píní ría wiáriñoi?” diñí e nipikiniro ududí néra nuro ⁵²Jisaso xámi aiwá kwikwirimí yariñagi niwiniro aiwi diñí wakisi niniriñipimi dání oyá ení eáníñí mí mómixí éiá nání sini o nání diñí ududí néra ugiawixini.

Genesareti dání simixí tígíayo nañí imimiximí ení nánirini.

⁵³Diñí ududí néra waríná rixa ipíyo járiwámmini imañí e niwiékínimearo ⁵⁴ewéyo dání nayoaro gwí yuráraníná áamá wí Jisasomi rixa siñwí mí nómixiro ⁵⁵añañíni áamá simixí wegíáyí nání añí ayí ayo nání numiamoro simixíyí íkwianñwíyo nikwiáiro “Jisaso e ñweani.” riníe nání nimeámi nibiro ⁵⁶o añí onimiá bi bimirani, añí xwé bi bimirani, omiñí iniñerani, pwaríñagi niwiniro simixíyí nimeámi nibiro makeriá imixarigíe táná áamá simixí giyí oyá rapirapí yíniñú síríví míde amái rónaniro nání wauní rixiñí nuriro rapirapí sírívíyo amái niróniríná nñi axíná nañí egiawixini.

Piaxí weariñipi nání uriñí nánirini.

7 ¹⁻²Parisi wa tñni Gorixoyá ñwí ikaxí eáníñipi mewegíá wa tñni, Jisaso sini Gariri piropeniñíyo ñweañáná, awa Jerusalem dání nibiro Jisasoyá wiewisariñowa wigí Judayí xiáwowa yagiápa mé aiwá niniróná xámi wé igwíá miwíró wé piaxí weañáná aiwá nariñagiá niwiniro Jisaso tññí e axí e awí neánáiro ³⁻⁴—Parisiowa tñni wigí Judayí nñni tñni nene piaxí neaeaniñirini wigí xiáwowa yagiápi aiwá niniróná xámi pírániñí wé igwíá wímoarigiárini. Ayí makeriáyo nání nuro aiwá bí nemi añí e nání nibiróná eni piaxí neaeaniñirini igíá meánipa neríná aiwá minarigiárini. Xiáwowa érowiápinigíáyí aniñí miní íá nimaxiriro nixídiro sini axípi nero kapixí tñni xwárá sixí tñni suyupenixí tñni íkwianñwí sá wearigiápi tñni igíá eaagiápa axípi igíá eearigiárini. ⁵Parisiowa tñni Gorixoyá ñwí ikaxí eáníñipi mewegíáwa tñni Jisaso tññí e axí e awí neánáiro yariñí re wigíawixini, “Dixí wiewisariñowa pí nání negí aríowa nero nearéwapiyigíápi niwiaíkiro wé piaxí aí tñni aiwá narigiárini?” uríagiá ⁶Jisaso re uriñiginini, “Eñíná Gorixoyá xwiyíá wíá rókiamoagi Aisaiayí riniño soyíné nañí riro sipí riro yarigíoyíné nání xixeni niwuriyiri ríwamiñí re eañírini, ‘Áamá tiyí “Gorixomi wéyo pírániñí meariñwini.” niriro aiwi Gorixoní diñí sixí miniyipa yarigiárini. ⁷E nero áamáyo amípí áamá wigí diñí tñni érowiápinigíápi nání nuréwapiyiróná yapí re nuriro “Xwiyíá tiyí Gorixo riñírini.” nuriro nání “Gorixomi seáyí e meariñwini.” niriñóná Gorixoníyá yoíni surímá rarigiárini.’ Aisaiáo soyíné nání xixeni e niwuriyiri ríwamiñí eañírini. ⁸Soyíné áamá érowiápinigíápi nixídiróná ñwí ikaxí Gorixo riñípi íkí ninemoro yariñoi.” nuriri ⁹re uriñiginini, “Íwí ikaxí Gorixo riñípi wiaíkiro amípí

segí aríowa érowiápínigíápi xídiro yaniro nání diñí obibaxí nimoro ói imoarigíoyínérini. ¹⁰ Ayí ripi nání searariñini. Eníiná xwiyáá Gorixo riñipi Moseso niriri ríwamiñí re eañiniginí, ‘Dixí ápowami tíni inókíwami tíni wéyo merfíni.’ E niriri neari ámi ripi niriri eañiniginí, ‘Ámá xanomirani, xináímirani, ikayíwí umearíyí emi pikímópoyi.’ Moseso e niriri ríwamiñí eañí aiwi ¹¹ soyíné ámá wí xináíwamirani, xanowamirani, re uraríná ‘Amipí nioni wéyo nirimeríná arirá nisiri siapipaxí imóniñyí nání rixa Gorixomi re uríaniginí, “Nioni nisiapimfáriní.” nuriri nání arige joxi nisiapiri arirá simfíni? Oweoi, ápagwí nání wí menini.’ Parisioyíné ámá wí xaniyaúmi e urariñagi siñwí niwíniróná ‘O apáni yarini.’ niriro ¹² o xaniyaúmi pírániñí wéyo mimepa yariñagi niwíniro aiwi o ayaúmi xe bi arirá owininiri siñwí winarigíámani. ¹³ E neríná soyíné siwí aríowa érowiápínigíápi nixídiro xwiyáá Gorixo riñí ripi xórórí nero wiañkariñoi. E yariñápa neríná xwiyáá Gorixoyá xwé wí eni niwiañkia wariñoi.” Jisaso Parisiowami e nurimáná ¹⁴ ámá e epíroyí egíáyo “Añwi e bípoyi.” nuriri ayí rixa añwi e báná o “Niyínéni nijíá imónipíri nání pírániñí aríá nípoyi.” nuriri ¹⁵ ewayí xwiyáá ripi uriñiniginí, “Aiwá ámá niniríná gwínáreáíápi wí piaxí weaariñímani. Pí pí xwioxíyo dání peyeaariñipi ámáyo piaxí weaariñíriní.” nuriri ¹⁶ re uriñiniginí, “Ewayí xwiyáá nioni ríá ripi nání aríá ókiarí nimónípoyi.” nurífsáná ¹⁷ ámá e epíroyí egíáyo e niwárimí nuri añíyo nipáwiri niñweari xegí wiepisariñowa ewayí xwiyáá xío uríípi nání yariñí wíáná ¹⁸ o re uriñiniginí, “Soyíné eni diñí mayoyínérani? Xwiyáá ‘Aiwá ámá niniríná gwínáreáíápi wí xíomi piaxí weaariñímani.’ seariápi soyíné sini míkí nání diñí mimoariñí reñoi?” nuriri áwaní re uriñiniginí, “Aiwá wí ámáyo piaxí eapaxí mimónini. ¹⁹ Pí náníyi? Ayí aiwá gwínáreááná niweri íriwíyo íniñí ríwíyo íkí emoarigíá eñagi nánirini.” nuriri —E nuriríná aiwá níni nání “Anani nipaxíriní.” riñíriní. ²⁰ Ámi re uriñiniginí, “Aga pípi ámáyo piaxí weaariñíriní? Ayí pí pí diñí xwioxíyo dání peyeáípi, amipí sipí nání móípi ámáyo piaxí weaariñíriní. ²¹ Xwioxíyo dání diñí yaiwííápmi dání ripi ripi yariñíáriní. íwí amipí wí nání diñí moro íwí iniro apixí erápeniro amipí íwí mearo ámá pikíxwiríó ero oxí apixí iyí nání niga uro ²² siñwí íwí winiro rikikiríó ero yapí wíwapiyiro ayá bi mé aríkí niga uro sipí diñí wiaiwiwo xwiyáápmi ñwiráriro mixí kíníro majimájá ikáriníro yariñíápi ²³ api nipini ámá diñíyo ínimi dání nimoríná piaxí weaariñíriní.” uriñiniginí.

Girikiyí apixí wí diñí wikwíroní nánirini.

²⁴ O ewayí xwiyáá míkí api nurimi añí e dání nuri añí yoí Taia tíñí e nirémori añí wiwámi nipáwiri ámá e ñweáyí “Añí riwámi o miñweani.” oyaiwípoyíniri neri sá ñweañagi aiwi ámá wí omi siñwí niwínimearo ²⁵ apixí wí “Jisaso añí iwámi ñweani.” rariñagíá aríá e niwiri í xegí xemiáí imíó xixéroariñí eñagi nání o tíñí e nání añíni nibiri sikwí tíñí

e wauní niwikáriniri miñí xwíáyo níkwírori ²⁶—Í Judayí apixímani. Girikiyí apixírini. Pinisiayí aņýyo piropeniś Siriayi rinije dánjirini. Í Jisasomi “Gí miámi imió xixéroarinjíyí mixí umáinowárénapei.” aríkí urayariņagi ²⁷o í aņí midánj eņagi náni “Xámi gí Judayí saņj ourápimini.” niyaiwiri ewayí xwiýá re uriņinigini, “Xámi niaíwí aiwá niniro agwí ími uyini niwirínáyí ayí naņjirini. Niaíwíyíyá aiwá nurápiri síwíyo niwiríná ayí naņjmani.” uráná ²⁸í “Nepa aņj midánjini síwíníninjí imóninjini.” niyaiwiri re uriņinigini, “Ámináoxini, nepa rariņini. E neri aiwi síwí re yariņirini. Íkwiaņwíyo dáni niaíwí aiwá niniro yuni mamówárápi mimeáni yariņirini.” uríagi ²⁹o “Í nepa wauní níkáriniri diņj níkwíroarini.” niyaiwiri re uriņinigini, “Jíxi naņj nírfíyí náni dixí miámi imió xixéroarinjípi rixa mixí umáiníni. Dixí aņj ui.” uríagi ³⁰í ámi xegí aņýyo náni nuri siņwí winíyí winiņinigini. Xemiái imió píni niwiárimí úf eņagi náni pírániņj sá weņagi winiņinigini.

Aría tñni maņj tñni píroninjí womi naņj imixinjí nánirini.

³¹Jisaso ámi niwiápínimeari aņj yoí Taia tñj e píni niwiárimí nuri aņj yoí Saidoni tñj e áwini e nuri xwíá yoí Dekaporisiyo nuríná ipí Gaririyo níremori yaríná ³²ámá wí ámá aría píronáriri xwiýá píronáriri eņj womi Jisaso tñj e náni nimeámi niċiro wauní rixinjí re urigíawixini, “O naņj eni náni wé seáyi e ikwiárei.” uríagi ³³Jisaso ámá awí eánárigíe dáni omi nimeámi nuri egípi neríná Jisaso xegí wé oyá aría óíyo wíxwáririri xegí wéyo reaņwí núrínimáná oyá ańwíyo ikwiáririri nemáná ³⁴siņwí aņjnamí nanimáná rímiņj níririri xegí píné tñni re uriņinigini, “Epata.” —Wigí píné “Oxoai.” nuriríná “Epata.” rarigíárini. E uráná re eņjinigini. ³⁵Xegí aría oxoániri ańwí saņj wiariņjipi nayí eri neri xwiýá pírániņj nira waríná ³⁶Jisaso ámi ámá awí eánárigíáyo niwímeari ģwí ikaxí nuriri re uriņinigini, “Nioni wíapi áwaņj murimepani.” uríagi aiwi ami ami nemero aríkí áwaņj nira nuro ³⁷ayá níriwamóga nuro re nira ugíawixini. “Amipí o éipiyí aga naņjini yariņirini. Aría píronarigíáyí tñni ańwí saņj mearigíáyí tñni aí pírániņj imixáná aría ero xwiýá riro yarigíárini.” nira ugíawixini.

Ámá 4,000 ayo aiwá wiņj nánirini.

8 ¹Íná ríwíyo Jisaso ámá obaxí ámi o tñj e epíroyí niyáriro wigí aiwá rixa meņagi niwiniri xegí wiepisariņowami “Eini.” nuriri ²re uriņinigini, “Ámá tiyí síá wíyaú wíyi nioni tñni re niņwearóná wigí aiwá rixa nowárigíá eņagi náni wá nonarini. ³Wí aņj ańwimi dáni bíagiá eņagi náni nioni ayí sini agwí náni yaríná nurowárirínáyí ‘Siņwí xaxá niwiniri eņj siririņwí niwiniri ná neága upírixiní.’ niyaiwiri rariņini.” uríagi ⁴xegí wiepisariņowa re urigíawixini, “Aņj mimíriniņj re aiwá ámá tiyí xixeni nípiri náni ge bí yaníwini?” uríagi ⁵o re uriņinigini,

“Segí bisíkeriá araririni?” uráná “Wé wúmi dájí waú tíjwáonerini.” uríagía ⁶ o áamá epíroyí egíáyo “Xwíami éi niñweaxa úpoyi.” nuriri bisíkeriá nimeari Gorixomi aiwá apí nání yayí niwimáná kwikwirimí neri wiepisariñowami mini wáná nurápayiro áamá ayo mini niwia nuro ⁷wigí peyí bia eñagi Jisaso apia eni nurápiri Gorixomi yayí niwimáná re uriñinigini, “Peyí ripia eni yaní niwia úpoyi.” uríagi xío urípi yaríná ⁸ámá níní rixa niniro agwí ími uyíagi wiepisariñowa ayí aiwá niniro e tíapia nimeayiro soxí íá wé wúmi dájí waúmi aumaúmí nero magwí miárigíawixini. ⁹Ámá 4,000 aiwá apí nigíawixini. Jisaso ayí aiwá ninimáná eñáná wigí aní e nání nurowárimí ¹⁰ewéyo wiepisariñowa tñi nipixemoániro nimeámi ugíawixini. Ipíyo oriwámi dání aní yoi Darimanuta tíj e niwiékínimearo ayoagíawixini.

“Emimí bi neaíwapiyii.” urigíá nánirini.

¹¹Parisi wa niwímearo rixa símí tñi úrapí xwíyíá nuriro omi iwamíó wíwapiyaniro nání re urigíawixini, “Anínami dájí emimí bi neaíwapiyii.” uríagía ¹²Jisaso awa nání xegí xwioxíyo dání miñí nipéniri “Inii!” niriri re uriñinigini, “Judayí agwí ríná ñweagíáyíné pí nání ‘Emimí neaíwapiyii.’ nirariñoi? E nirariñagía aiwi emimí soyíné nirariñápi wí nemiméini.” nuriri ¹³ayo pñi niwiárimí wiepisariñowa tñi ewéyo nipixemoániro ipíyo oriwámi dání nání ugíawixini.

Ewayí ikaxí yisí nání uriñí nánirini.

¹⁴Nuróná aiwá nání diñí aríá nikeamoro bisíkeriá ná bini ewéyo wenjípini nimeámi waríná ¹⁵Jisaso Parisiowa nañ rayiro sipí rayiro yariñápa wiepisariñowa axípi yaniro neríná omi diñí mikwíropa nero ríwí nimopírixiniri ewayí xwíyíá nuriríná sekaxí re uriñinigini, “Soyíné pírániñí emépoyi. Bisíkeriá yisí —Bisíkeriá sini siñí eñáná yisí onimiápi tíá aiwi nimini íkwiañwí neapínárirí nimiga wiápinimeariñirini. Yisí Parisiowayá tñi Xerotoyá tñi nání wáyí nero emépoyi.” uriñinigini. Uyíniñ yisíniñí wigí xwioxíyo íkwiañwí eapiníniginiri e uraríná ¹⁶wiwaniñowa re rinigíawixini, “None bisíkeriá meñagi nání neararini.” rinariñagía ¹⁷o aríá niwiri mixí re uriñinigini, “Pí nání ‘Bisíkeriá mayonerini.’ rinariñoi? Sini siñwí oxoaro diñí moro mepa reñoi? Segí miñí siñániñí rimónini? ¹⁸Siñwí tígíoyíné aiwi siñwí miwinípa riyariñoi? Aríá tígíoyíné aiwi aríá miyariñí reñoi? Nioni bisíkeriá wé wú núní kwikwirimí neri áamá 5,000yo mini wiñá nání diñí miseainarinirani? ¹⁹Aiwá ayí niniro tíápi soxí íá xwé arariyo aumaúmí yárigíawixini?” uríagi awa “Wé wúkaú síkwí waú apimi aumaúmí yáriñwanigini.” uríagía ²⁰o ámi re uriñinigini, “Nioni bisíkeriá áamá 4,000yo níkwiriri wiñápi soxí íá arariyo miárigíawixini?” uríagi awa “Wé wúmi dájí waúmi miáriñwanigini.” uríagía ²¹o re uriñinigini, “Soyíné sini majíá

rimóniŋoi? ‘Aiwá menjáná árínone mineaiapipaxorini.’ riniaiwariŋoi?” uriniginini.

Sijwí supáriŋí womi naŋí imixiŋí nánirini.

22 E nurfísaná nuro aŋí yoí Betisaidayo niwékínimearo nayoaro emeariná áamá wí sijwí supáriŋí wo Jisaso pírániŋí imixini nání niméra nibiro wauní rixiŋí re urigíawixini, “Joxi wé seáyi e niwikwiáriri naŋí imixiréini?” uríagía 23 Jisaso sijwí supáriŋomi wéyo íá nixirimi aŋí Betisaida e niwárimi nuri yáni e dání nirómáná oyá sijwíyo reanwí núriri wé seáyi e niwikwiáriri yariŋí re wiŋiniginini, “Joxi amipí wí sijwí riwiniginini?” uríagi 24 o sijwí naniri re uriniginini, “Áamá wí aŋí emeariŋagía sijwí niwiniri aiwi íkiániŋí imóniŋagía winiginini.” uríagi 25 ámi bi wé sijwíyo seáyi e wikwiáráná o rixa sijwí aniŋí nanáririri xegí sijwí rixa naŋí éagi amipí niyoni xixeni winiginiginini. 26 Xixeni wináná Jisaso o xegí aŋí e nání nurowáriríná re uriniginini, “Dixí aŋí e nání nuríná ámi Betisaida tíyo nání mupani.” uriniginini.

Pitao “Kiraisoxirini.” uriŋí nánirini.

27 Jisaso tíni xegí wiepisariŋowa tíni niwiápínimeámi nuro aŋí xwé yoí Sisaria Piripai tíŋíyo ikwíróniŋípimi nání nuríná awami yariŋí niwiri re uriniginini, “Ámáyi nioni nání arire rariŋoi?” uríagi 28 awa re urigíawixini, “Wí re rariŋoi, ‘Jono wayí nineameaia wago ámi niwiápínimeari ría yarini?’ rariŋoi. Ámi wí re rariŋoi, ‘Eŋíná Gorixoyá xwiýá wía rókiamoagi mipé aŋnami peyiŋí Iraiyaoyi riniŋo niweapiri ría yarini?’ rariŋoi. Ámi wí re rariŋoi, ‘Eŋíná Gorixoyá xwiýá wía rókiamoagiá wo niwiápínimeari ría yarini?’ rariŋoi.” uríagía 29 o sini yariŋí niwiríná re uriniginini, “Ayí e niŋiro aiwi sewaniŋoyíné nioni nání gorini rariŋoi?” uríagi Pitao re uriniginini, “Joxi Kiraisoxi, nene yeáyi neayimixemearía nání aríowayá xwía piaxíyo dání iwaroŋoxirini.” uríagi 30 o ŋwí ikaxí re uriniginini, “Soyíné nioni e eŋáoni nání áwanj muripa épyoi.” uriniginini.

Áwanj “Nioni ninipikipírírini.” uriŋí nánirini.

31 Xewaniŋo nání iwamíó nuréwapiyiri re uriniginini, “Áamá imóniŋáoni riniŋí xwé wí meámíárini. Negí mebáowa tíni apaxípaniŋí imóniŋíá xwéowa tíni Gorixoyá ŋwí ikaxí eániŋipi mewegíáwa tíni nioni ríwí nimóáná wa ninipikipírírini. E neri aiwi síá wíyaú wíyi óráná ámi wiápínimeámíárini.” nuriri 32 píné sijáni e rimóagi Pitao Jisasomi nimeámi nuri yánimi nirómáná rixa mixí uriminiri nání neri “E wí minearipani.” uraríná 33 Jisaso omi ríwí numori wiepisariŋí wíami sijwí niwiniríná omi mixí nuriri re uriniginini, “Setenoxini, píní niníwiárimi ui.” niriri re uriniginini, “Pitaoxi amipí nání Gorixo wimónariŋipi nání diŋí mimó áamá wimónariŋipi nání moariŋini.”

nurfísaná ³⁴ámá e epíroyí egíáyo “Eini.” nuriri xegí wiepisariṅowa t́ni nawíni awí neánimáná eṅáná re uriṅinigini, “Soyíné woxi nioni yariṅápa eminiri nání nioni t́ni nurínáyí re eríárini. Dixí simónariṅipi wí mé ríwímíni nimamori re niyaiwiri ‘Jisasomi xídariniṅagi nání ámá wa íkíáyo niniyekwiroáiriro ninipikironá ayí ananirini.’ niyaiwiri nixídiríárini. ³⁵Ámá go go ‘Jisasomi nixídirínáyí ámá wa nipikipírixiní.’ niyaiwiri nání nioni minixídí xegí wará éí nimeniri neríná xewaniṅo aniṅíni ikeamóniníárini. E neri aiwi ámá go go nioni ninixídirí xwiyíá yayí seainariṅipi nání wái emeariṅagi nání pikíánáyí, o aniṅíni mikeamóní nioni ninixídiríṅipimi dání eríkíemeániníárini. ³⁶⁻³⁷Ámá go go nioni minixídí iyíá íá nigwí amipí emeáminiri nánini néra nuri nimeáísaná xewaniṅo aniṅíni ikeamónáná ayí naṅírani? Oweoi! Amipí níni xwíá t́yo dání mimúropa neri aiwi xewaniṅo aniṅí ikeamónáná amipí api t́ni xegí wará aniṅí ṅweanía nání roayírónipaxímani.” nuriri ³⁸re uriṅinigini, “Seyíné nuro ámá agwí ríná ṅweagíáyí Gorixomi dání miwikwíró íwí néra warigíáyí t́ṅí e nemeríná nioni nání ayá seainiri píné nioni rariṅápi eni nání ayá seainiri yariṅagi nání ámáyo yumí niwirínáyí, ámá imóniṅáoni niweapíríná ikíniṅáoni weapiri gí ápo xwiníá eaariṅápa nioni eni xwiníá eaṅáoni aṅinají wa t́ni weapiri neri xío nání eni ayá nininiri ‘Go ríani?’ rimíárini.” uriṅinigini.

9 ¹Ámi re uriṅinigini, “Nioni nepa searariṅagi nání pírániṅí aríá nípoyí. Ámá re rogíá wiyíné sini mipepa neríná eṅí eániṅí Gorixo xío xegí xwioxíyo mímeámí neri pírániṅí seameṅweanía nání imóniṅípi imónariṅagi siṅwí winipíríárini.” uriṅinigini.

Jisaso níkíniri xegí bi imóniṅí nánirini.

²Rixa síá wé wíumi dání wo óráná o Pitaomi t́ni Jemisomi t́ni Jonomi t́ni niwirimeámi d́wí xwé bimi nípeyiro wiwini niṅweanía wigí siṅwí anigíe dání re eṅinigini. Jisaso wará xegí bi nimóniri ³xegí rapírapi eni wíá nókiáriri ámá wí wayí níroríná apíá e wéí miropaxí apíá xaíwí weáriṅinigini. ⁴E yaríná Gorixoyá wíá rókiamoagí Iraiṅaoyi riniṅo t́ni eṅíná yagí Moseso t́ni omi niwímeari o t́ni xwiyíá rinaríná ⁵⁻⁶wiepisariṅowa wáyí ayikwí miwiníagi nání Pitao “Píoi urimíini?” niyaiwiri úrapí xwiyíá nuriri Jisasomi re uriṅinigini, “None re niṅweanía naṅírini. Anani re ṅweapaxírini. Aṅí pipákí wíkaú wí, joxi nání wiwáyí, Moseso nání wiwáyí, Iraiṅao nání wiwáyí omíraneyi.” nurimáná eṅáná ⁷agwí bi rití wiáráná agwípimi dání xwiyíá bi re riniṅinigini, “O gí íwí d́ṅí síxí yináorini. Pí pí xwiyíá searánáyí aríá wípoyí.” uráná ⁸weniṅí éíáyí winigíawixini. Ámá wo mepa Jisasoni iwo ṅweaṅagi winigíawixini.

Iraiṅao nání yariṅí wigíá nánirini.

⁹E niwinimáná d́wí miṅíyo dání píni niwíárimi niweapíróná Jisaso ṅwí ikaxí re uriṅinigini, “Ripi naníapi nání ámáyo áwaní murimepa

époi. Ámá imóniñáoni rixa niperi xwáripáyo dáni niwiápínimeámáná eñáná íná anani áwanj urimérixini.” uríagi ¹⁰awa diñini íá nixiriro xwiyíá “Niperi xwáripáyo dáni wiápínimeámárini.” uríipi náni ududí nero “Pí náni ríá neariñoi?” niriñiro ¹¹yariñi re wigíawixini, “Pí náni ñwí ikaxí eániñipi mewegíáwa re rarigíárini, ‘Iraijao rixa biñimi eñáná ríwíyo ámá nene yeáyí neayimixemeanío aríowayá xwíá piaxíyo dáni iwiaroníárini.’ pí náni rarigíárini?” uríagiá ¹²o re uriñinigini, “Ayí neparini. Iraijao xámi nibiri ámá wigí yariñipi ríwímimi mamoro Gorixomi diñi wikwírooro epíri náni xwiyíá nuriri aiwi xwiyíá Gorixoyá niriñiri eániñi rípi ‘Ámá imóniñomi ríniñi niwiayiro xwiríá wikixepíríárini.’ xwiyíá api eni pí náni rinini?” nuriri ¹³re uriñinigini, “Ñwí ikaxí eániñipi mewegíáwa e niñiro aiwi nioni re searariñini, ‘Iraijao rixa bíagi aiwi ámá ríwamiñi xío náni eániñipi omi aríá miwí wigí diñi tñi sipí niwiéra ugíawixini.’ searariñini.” uriñinigini.

Íwí imíó xixéroariñi womi mixí umáiniñi nánirini.

¹⁴Jisaso awa tñi ámi xegí wiepisariñi wíami wímeaniro náni niweapiro awa tñe ámá epíroyí eñagiá niwiniro awa ñwí ikaxí eániñipi mewegíá wa tñi xwiyíá símí tñi rinariñagiá niwiniro ¹⁵rixa añwi e báná ámá e epíroyí egíáyí Jisaso wepariñagi niwiniro sirí nípikíniro yayí wianiro náni añni nuro wímeááná ¹⁶o yariñi re wiñinigini, “Awa tñi pí náni xwiyíá símí tñi rinariñoi?” uríagi ¹⁷ámá e epíroyí egíáyí wo re uriñinigini, “Nearéwapiyariñoxini, gí íwomi imíó xixéroariñagi náni mañi píronárini. ¹⁸Imíó meañi eááná meákíkwíáni yáñiri mañi síwí kiríwiniri sikwí wé síwíá yáñiri yáñiriñini. Nioni joxi náni nimeáa bíá aiwi joxi miñweañagi náni dixí wiepisariñowami ‘Soyíné mixí umáinowáripoyi.’ uríagi aiwi awa wí anani mixí umáinowáripaxímáni.” uríagi ¹⁹Jisaso rixa anidiñi niwíaiwiri náni re uriñinigini, “Agwi ríná ñweagíáyíné nioni tñi nemerane emá obaxí niseamúróagi aiwi sini Gorixomi diñi miwikwíroarigíá reñoi? Arire searayimíni?” nuriri “Íwomi niwirimeámi bípoyi.” uríagi ²⁰rixa niwirimeámi niñiro imíó Jisasomi siñwí niwiniríná re eñinigini. Meañi eááná sinapíxwíni néra niñierori xwíáyo niwieága uri meákíkwíá pumiri yariñagi ²¹xanomi Jisaso re uriñinigini, “Sa arari eñirini?” uríagi re uriñinigini, “Sini onímiáo dáni e néra uñirini. ²²Imíó íwomi íníná xwiríá oikixémíñiri re yariñirini. Nixeri ríáyo ikeáñiri nixeri iniñgiyo mamówariri yariñirini.” nuriri “Jisaso eni yopa meginiríeniñoi?” niyaiwiri re uriñinigini, “Joxi ‘Anani nañi imixipaxonirini.’ niyaiwinirínáyí wá niyeaomixiri arirá yeaii.” uríagi ²³Jisaso re uriñinigini, “Joxi ‘O nañi mimixipaxoniri.’ niniaiwiri rinirariñini? Jiwaníñoxi Gorixomi diñi wikwíroi. Ámá giyí Gorixomi diñi ikwíróáyí amipí aí anani arirá winiñoi.” uríagi ²⁴íwomi xano apaxí mé re uriñinigini, “Gorixomi diñi wikwíróminiri yariñagi náni aga

píráníñí wikwírómi nimixei.” uríagi ²⁵Jisaso áamá obaxí o tńń e nání mírí bimiaríñagiá niwiniri imíó íwomi xixéroaríñomi mixí numáinowárriri re uríñinigini, “Mańí píroárriri aría píroárriri eñoxi íwomi píni niwiárrimi nuri ámi bi tńni ríwímíni nirori mixixéropáni.” uráná ²⁶imíó makiríwí nimori meañí neari íwo sinapixwíní niyárriri wejána ómi píni niwiárrimi uríñinigini. Píni niwiárrimi úána íwo rixa niperíñí wejagi niwiniro áamá obaxí “Rixa niperi ría wejoi?” rariñagiá aiwi ²⁷Jisaso xegí wéyo íá nimaxirimána míeyoáána o wiápínimeañinigini. ²⁸Niwiápínimeámána eñána Jisaso nuri añýyo nipáwiri ñweañána xegí wiepisariñowa wigípi ínimi yariñí re wigíawixini, “Pí nání imíó íwomi xixéroómi mixí umáinowáripaxí mimónipa éwaniginí?” uríagiá ²⁹o re uríñinigini, “Soyíné segí ñíñi tńni imíó tńñí imóníñíyí mixí umáinowáripaxí menini. Gorixomi ñíñi wikwíroro yariñí wiwo nerónáyí, anani oyá ñíñi tńni mixí umáinowáripaxí imónipíráoi.” uríñinigini.

Ámi yumíí “Ninipikipíríárini.” uríñí nánirini.

³⁰Awa añí ayo píni niwiárrimi Gariri piropenisíyo áwinimi nurína Jisaso “Ámá nioni pwaríñagi nání nijíá mimónipa oépoi.” yaiwiñinigini. Ayí ripi nání e yaiwiñinigini. ³¹Wiepisariñowamini nuréwapiyiri re urayíñinigini, “Ámá imóníñáoni nání miyí uráná ninipikipíríárini. Nipikííá aí síá wiyáú wiyi óráná xwáripáyo niwémána ámi niwiápínimeámíárini.” urayariñagi aiwi ³²awa sini nipíkwiní nijíá mimónipa nero aí masisíá niwiro nání yariñí bi miwigíawixini.

“Go gone seáyi e imónaníwárrani?” rinigíá nánirini.

³³Awa añí yoí Kapaneami nirémoro añýyo nipáwiro niñwearína Jisaso wiepisariñowami yariñí re wiñinigini, “Óí e nibiranéna pí xwiýíá niriga bíawixini?” uríagi aiwi ³⁴awa “Negí woxi goxi áminá nimóniri neameñweañána wíone simañwíyóníñi ínimi yeáyí rurínaníwárrini?” niriga bíá eñagi nání ayá nero xwiýíá bi murí kikiíá yariñagiá ³⁵o éí niñweámána wiepisariñí wé wúkaú síkwí waú awami “Soyíné awí neániro re ñwénapípoi.” nuriri re uríñinigini, “Ámá ‘Nioni simañwíyóníñi onurínayípoi.’ niyáiwiriño re éwiniginí. Ámá niyoni xináíñíñi nimóniri arirá wíwiniginí.” nuriri ³⁶níawí miá bi nimeari áwini e éí nurárimána wé nimakíkiyiri ámi re uríñinigini, ³⁷“Ámá wo nioni níxídirínáyí níawí ripíñíñi imóníñíyo peayí miwianí wéyo nimerínáyí apimíni wéyo mímearinini. Nioni wéyo nimeri gí ápo, nirowarénapíñomi eni wéyo umeri yarini.” uríñinigini.

“Ayí tíámíni mikumixinígíyí none tíámíni imónini.” uríñí nánirini.

³⁸Jono re uríñinigini, “Neaiepisariñoxini, none ámá wo yoí joxiyá niriri imíó mixí umáinowárrariñagi niwinirane o none tńni nawíni

memeariŋagi náni xe oeniri siŋwí winaniri enjwámáni.” uríagi ³⁹Jisaso re uriŋinigini, “Api e imixáná píri miwiaŋkipani. Ámá go go yoí nioniyá niriri emimí nemi nuri aŋíni ikayíwí nimeariŋaxí imóninimeniŋoi. ⁴⁰Ámá ayí tíámini mikumixinipa nerínáyí ayí none tñi imónini. Ayináni e éfáyo bi píri miwiaŋkipani. ⁴¹Ámá go go soyíné Kiraisoni nixídiro wá urimero yariŋagía náni arirá niseairi iniigí bi aí niwiri niseaiapirínáyí, Gorixo e éo náni wí diŋí aría mikeamó omi xixeni arirá winíáriní.

Íwí oépoyniri wíwapiyarigiáyí nánirini.

⁴²“E neri aiwi ámá go go niaíwí ripiami nioni diŋí níkwíroanro yariŋiápiami píri wiaŋkíminiri neri íwí oépoyniri wíwapiyaríná Gorixo ‘O xwiyía mayorini.’ mirí rixa nipémáná enjáná ríniŋí xwé winíáriní. Sini niaíwípiami íwí náni miwlepisipa enjáná ámá wa omi íá nixero siŋá xwé wo siŋwí tñi gwí nijáriro rawirawáyo nimamówárinínáyí, sipí enagi aiwi ríniŋí Gorixo wiminiri enjípniŋí imóniŋípimani. ⁴³⁻⁴⁴Íwí náni wé íeapá nisinirínáyí niwákwíniri emi morfíni. E niniríná ríniŋí xwé nisiniri aiwi wé rasía enj tñi opéiri aí aŋnami náni niŋeyirínáyí ayí ananirini. Wé núkaúni íeapá neri íwí meáú sini ú tñi neríná ría aniŋí wearíŋíyómíni nuri ría nirinirínáyí ayí naŋímani. ⁴⁵⁻⁴⁶Sikwí rú tñi íwí náni aŋí oememini.’ yaiwú sikwí ú miŋí niwákwíniri emi morfíni. E niniríná ríniŋí xwé nisiniri aiwi sikwí rasía enj tñi opéiri aí aŋnami náni niŋeyirínáyí ayí ananirini. Sikwí ‘Íwí náni oumíni.’ yaiwiaríŋú tñi enjáná niŋeríná Gorixo ría aniŋí wearíŋíyo nisikeaárinínáyí ayí naŋímani. ⁴⁷Siŋwí wíniyi tñi íwí náni nimorínáyí siŋwí ayi niyori emi morfíni. E niniríná ríniŋí xwé nisiniri aiwi siŋwí ná wiyini nanimi opéiri aí aŋnami náni niŋeyirínáyí ayí ananirini. Siŋwí íwí náni móíyi tñi néisáná niŋeríná Gorixo ría aniŋí wearíŋíyo nisikeaárinínáyí ayí naŋímani. ⁴⁸Ría aniŋí wearíŋe xweamí mipe aniŋí nisiri ría eni aniŋí riniri yariŋerini.

⁴⁹“Saxí aiwáyo moariŋiápa Gorixo ría eni ámá níni naŋí oimónípoyniri saxíniŋí e moníáriní. ⁵⁰Saxí aiwá awí imixariŋí enagi náni naŋíriní. E neri aí xegí awí yariŋípi anipá neri aiwániŋí imóniŋáná arige neri ámi awí eniŋoi? Soyíné saxíniŋí nimóniro saxí aiwáyo awí imixariŋiápa ámá niyoni pírániŋí e niwirínáyí, sewaniŋoyíné mimíeyoánipa nero pírániŋí níkwumixiniro néra úfrixini.” uriŋinigini.

Apixí emi moariŋiá nánirini.

10 ¹Jisaso niwíápinimeari e píni niwíárimí nuri Judia piropeniŋíyo níwúrori iniigí Jodani rapáyo járiwámi dáni waríná oxí apixí epíroyí nero o tñí e awí eánáná xegí yariŋiápa ámi uréwapiyaríná ²Parisi wa niwímearo omi iwamíó niwíwapiyiro re urigíawixini, “Wa negí ŋwí ikaxí eániŋípi íá nirore re rariŋiáriní, ‘Xegí oxo apixími anani emi mopaxíriní.’ rariŋiáriní. Wa ‘Emi mopaxímani.’ rariŋiáriní. Joxiyá

diŋí arige simónarini? ‘Anani emi mopaxírini.’ risimónarini? ‘Ŋwíárini.’ risimónarini?” uríagía ³re uriŋinigini, “Moseso eŋíná segí seáriawéyo ŋwí ikaxí nuríríná píoi uriŋinigini?” uríagi ⁴re urigíawixini, “Moseso áamá apixí emi moaniro nání anani payí re riniŋípi ‘Nioni ími aníŋí emi móárini.’ riniŋípi nearo owiowáripoyiniri siŋwí neanagírini.” uríagía aiwi ⁵Jisaso re uriŋinigini, “Soyíné segí diŋí t́ni nixídiro aríkí segí apixí emi moaniro yariŋagía nání Moseso ŋwí ikaxí api niriri eaŋírini. ⁶E neri aiwi xwiyíá ripi niriri ríwamiŋí eaŋírini, ‘Gorixo eŋíná xwíá imixiri aŋína imixiri neríná oxí imixiri apixí imixiri eŋírini. ⁷⁻⁸Ayínáni oxo xaniyaúmi píni niwíárimáná xegí apixí t́ni nikumixiniríná ná ayí ná biníniŋí imónipisírini.’ E niriniri eániŋí eŋagi nání xixegíni imónariŋímani. Ná ayí ná biníniŋí nimóniri emearigírini. ⁹Ayaú nimeánimi nemeéríná Gorixo ŋwiráŋiŋí eŋagi nání píni niwíárimimi mupa oépiyi.” nurimi nuri ¹⁰aŋyo nipáwiri ŋweaŋáná wiepisariŋowa ámi o meániŋíá nání uríŋípi nání yariŋí wíáná ¹¹o re uriŋinigini, “Áamá go go xegí apixí emi nimori wí nimearínáyí, xámi meaními sipí wikárarini. ¹²Apixí gí gí ení xegí xiagwomi píni niwíárimimi nuri womi nimeánirínáyí, xámi meániŋomi sipí wikárarini.” uriŋinigini.

Niaíwí onimiápiami wé ikwikwíárimí eŋí nánirini.

¹³⁻¹⁴Áamá wí Jisaso wigí niaíwí oimóníŋipoyiniri wé wikwíárimimi nimeámi báná wiepisariŋowa mixí urariŋagía Jisaso awa pírfi urakianiro yariŋagía niwiniri wikí diŋí niwíaiwiri re uriŋinigini, “Soyíné pírfi murakipani. Gorixo xwioxíyo míméámí neri pírániŋí seameŋweani siŋáni nimóniríná o áamá niaíwí tiyí yapí nioni diŋí níkwírófiáyo meŋweaníá eŋagi nání soyíné pírfi murakipani. Nioni t́fe nání xe obíŋpoyi. ¹⁵Nioni nepa searariŋini. Áamá giyí giyí niaíwíŋipi xaniyaúmi diŋí ikwíroro simaŋwíyóniŋí yeáyí uríniro yariŋíáŋiŋí Gorixomi e mepa nerínáyí, o xwioxíyo míméámí neri pírániŋí seameŋweaníáŋipimi wí páwipíríámani.” nurimáná ¹⁶niaíwíŋipi wími nimeari sáŋyo niŋwirárimáná wé seáyi e wikwíáririri “Gí ápo pírániŋí oumeni.” riri niwia uŋinigini.

Áamá amipí mimúroniŋí wo nánirini.

¹⁷Jisaso niwíáŋinimeámi aŋí wíyo umíniri yariŋá áamá wo o t́ŋí e nání mírfi níbiri símimaŋími dání xómiŋí niyíkwiri yariŋí re wiŋinigini, “Nearéwapiyariŋí naŋoxini, arige neríná nioni diŋí niyimiŋí t́ŋáoni imónimíáŋini?” uríagi ¹⁸o “Jisaso Gorixoríani?” oyaiwiniri re uriŋinigini, “Joxi pí nání ‘Nearéwapiyariŋoxini níniŋiríná ‘Naŋoxini níŋíni? Áamá wí naŋímani. Sa Gorixo naŋorini. ¹⁹Joxi ŋwí ikaxí eániŋípi nání rixa níŋíá imóniŋini. ‘Niwíáŋinimeari áamá wí mipikipa eríni. Áamá wí t́ni íwí minipa eríni. íwí míméapa eríni. Yapí murípa eríni. Yapí nurepisiri íwí muráŋipa eríni. Inókími t́ni ápomi t́ni wéyo meríni.’ E riniŋípi joxi

rixa nijá imóniḡini.” uríagi ²⁰ o re uriḡiniḡini, “Nearéwapiyariḡoxini, api nḡini sini ononi imóniḡaé dáni píri miwiafki pírániḡi nixída biḡáriní.” uríagi ²¹ Jisaso siḡwí agwí niwiniri wá niwianiri náni re uriḡiniḡini, “Nipini nixídiri aiwi ámi bi sinirini. Joxi nuri dixi iyá íá tḡini xwíá tḡini amipí dixíyí nigwí náni bí neri nigwí meáiyí áma aiwá náni ikeamóniro aikí náni ikeamóniro eḡáyo mḡni wírixini. E nemoxi nibiri ninixídimerínáyí, ríwéná nipémáná aḡínami náni nipeyiríná amipí joxiyá aga xwé nidéroníáriní.” uríagi aiwi ²² o amipí wí mimúroniḡo eḡagi náni diḡi sipí niwiri e mepaxí wimóniagi náni símimaḡi kipiniḡi niyimi uḡiniḡini.

²³ Símiḡaḡi kipiniḡi niyimi úagi Jisaso xegí wiepisariḡowami siḡwí niwinimeri re uriḡiniḡini, “Amipí xwé tḡiáiyí anani Gorixomi diḡi niwikwíro o xwioxíyo mḡmeámí neri umeḡweanḡe páwipaxímani.” nuriri ²⁴ awa xfo rípi náni ududí yariḡagi niwiniri ámi re uriḡiniḡini, “Niaíwoyíné, áma wí aniḡi miní yaníro nero aiwi anani Gorixomi diḡi niwikwíro o xwioxíyo mḡmeámí neri umeḡweanḡe páwipaxímani. ²⁵ ‘Kameri eḡi rapirapí gwí kiwearigía óiyimi anani páwipaxíriní.’ riyaiwiarḡoi? Áma amipí xwé tḡiáiyí kameri eḡi óiyimi mipáwipa épiḡiḡi Gorixo seameḡweanḡe náni anani páwipaxímani.” uríagi ²⁶ awa ududí nikáriníro re urigíawixini, “E imóniḡáná áma ḡiyo Gorixo yeáyí uyimixemeaníáriní?” uríagi ²⁷ Jisaso siḡwí agwí niwinimáná re uriḡiniḡini, “Áma wí mepa epaxí nimónimáná aiwi Gorixoyá diḡi tḡini ananirini. Amipí Gorixo mepa epaxí wí mimóniḡagi náni oyá diḡi tḡini epaxíriní.” uráná ²⁸ Pitao re uriḡiniḡini, “Ai, none negí amipí rixa píni niwíárimí joxi rixídimeariḡwini.” uríagi ²⁹⁻³⁰ Jisaso re uriḡiniḡini, “Nepa searariḡini. Áma ḡiyí ḡiyí nioni diḡi ninikwíro xwiyíá nioni náni yayí seainariḡipi wáí urimero eni éiyí xexirímeáyorani, xináíwamirani, xegí niaíwíyorani, xegí aḡirani, xegí aiwá omiḡirani, píni niwíárimí nixídirínáyí, sini mipé xwíáyo niḡwearíná xexirímeá imóniáiyí xináíwa imóniáiyí xegí niaíwí imóniáiyí xináíwa imóniáiyí xegí niaíwí imóniáiyí xegí aḡi imóniáiyí xegí aiwá omiḡi imóniáiyí wiwaniḡiyí píni wiáriáyo seáyi émi múroniníáriní. E neri áí nioni nixídaríagi xeaniḡi eni niwímeaníáriní. Ayí eni aḡi ríwéná imóniníáyo diḡi niyimiḡi tḡiáiyí nimóniḡo ḡweapíríáriní. ³¹ E neri aiwi áma ‘Xwéonirini.’ niríro xámi xámi imónariḡiáiyí niperíná surímá yáripíríáriní. Agwi ríná surímá ḡweagiáiyí niperíná xámiḡiyo múropíríáriní.” uriḡiniḡini.

Ámi yumí “Ninipikipíríáriní.” uriḡi nánirini.

³² Awa óiyo nuro aḡi yoí Jerusaremi náni niyiríná wiepisariḡowa Jisaso aríki aḡi apimi náni niyiri xámi umeaariḡagi niwiniro ududí niníro áma Jisasomi xídaríagi wí eni ayá síwí uroariḡagi o ámi xegí wiepisariḡi wé wúkaú síkwí waú awami ná dámini e nimíauri ámi xíomi wa wipíríápi

náni áwanjí nuriri ³³ re uriñinigini, “None Jerusaremi náni niyirane rémóáná ámá imóniñáoni re nikeaáripíríárini. Ámá wo nioni náni miyí uráná apaxípániñí imónigíá xwéowa tíni ñwí ikaxí eániñipi mewegíáwa tíni nioni xwirixí ninimero xwiyíá ninimeáriro ‘Sa joxinirini.’ niniriro nipikímoanro wauyowami mini niwipíríárini. ³⁴ Mini niwíáná awa riperirí niro reañwí núriro iwanjí nearo ninífasáná nipikipíríárini. Ninipikiro aiwi síá wiyau wiyi óráná ámi wiápínimeámíárini.” uriñinigini.

Jono tíni Jemiso tíni yariñí wigíipi nánirini.

³⁵ Sebediomi xewaxowáu Jemiso tíni xogwáo Jono tíni añwi e nuri Jisasomi re urigíisixini, “Nearéwapiyariñoxini, yawawi pí pí náni yariñí síwíyí joxi anani niyeaiiríáriani?” uríagí ³⁶ o re uriñinigini, “Nioni pí eaiimi nirariñi?” uríagi ³⁷ awáu yawawi eni áminá imóníwiniginiri wiepisariñí wía yawawi simañwíyóniñí yeáyí yeaurínírixiniri re urigíisixini, “Joxi idáná ámináoxi nimóniri meñweañáná ámá nñni simañwíyóniñí yeáyí rurínáná yawawi joxiyá wéyo mini mini oñweápiyiniri siñwí yeairiréirani?” uríagí aiwi ³⁸ Jisaso re uriñinigini, “Awagwí yariñí niarigíipi náni nijíá mimónipa neri náni yariñí niariñi.” nuriri ewayí xwiyíá ámá wa xíomi pikipíríá eñagi náni áwanjí nuriríná yariñí re wiñinigini, “Awagwí iniigí sixí nioni nimíáwá anani nipaxí imónipísíráni? Iniigí waxíyo nioni xémíápi awagwí eni anani xepaxí imónipísíráni?” yariñí wíáná ³⁹ awáu re urigíisixini, “Ananirini. Yawawi nepaxíráni.” uríagí o re uriñinigini, “Iniigí nioni nimíáwá awagwí eni nipísíráni. Iniigí waxí nioni xémíápi awagwí eni xepísíráni. ⁴⁰ E neri aiwi ‘Woxi rími dáni ñweai. Woxi rími dáni ñweai.’ wí earipaxoni mani. Gorixo xewaniño earipaxíráni. Xífo wimónariñí goxi goxi ‘Jisasomi mini mini ñweápiyi.’ earipaxíráni.” uraríná ⁴¹ wiepisariñí wé wúkaú wía Jemiso tíni xogwáo Jono tíni e urariñagí aríá niwiro wikí dñj niwíaiwiro yaríná ⁴² Jisaso “Nioni tñjí añwi re bípoyi.” nuriri re uriñinigini, “Émáyíyá áminá meñweagíáwa seáyí e nimóniro wigí ámáyo ayá mirimixí peayí wianariñíráni. ⁴³ E neri aiwi awa yariñíápa axípi mimónipani. Go go segí rároniñí nimónirínáyí wíoyínéyá omiñí seaiiariño nimóniri arirá seaíwiniginini. ⁴⁴ Go go xámi xiráoniñí imóníoxi xináiniñí nimóniri ámá niyoni sañj urápiméirixini. ⁴⁵ Nioni eni ámá imóniñáoni aí ámá sañj nirápípiri náni weapiñáonimani. Ámá nñni náni nupeiri gwíniñj roayíróimiginiri weapiñáráni.” uriñinigini.

Siñwí supáriñí Batimiasomi nañj imixiñj nánirini.

⁴⁶ Jisaso wiepisariñowa tíni nawíni sini Jerusaremi náni niyiro añj áwini e bimi xegí yóí Jeriko nirémoro rixa añj apimi wiárfí múroanro yaríná ámá siñwí supáriñí wo —O omiñj mepaxo eñagi náni óf mañjápá

tíni niŋweámáná niŋwí náni tíni aiwá náni tíni rixiŋí urariŋorini. Xano xegí yoí Timiasorini. Xíó xegí yoí Batimiasorini. O óí maŋjípá tíni niŋwearíná aríá wíyí re wiŋinigini. 47“Nasareti dánj Jisaso daiwo pwarini.” rariŋagía aríá e niwiri ráiawá eŋj tíni re rayiŋinigini, “Jisasoxi, ráriawé mixí ináyí Depitoyáoxini, wá niwianeí.” urariŋagi 48ámá wí mixí ríá tíŋj nuriro “Rixa píní wíárei.” uríagía aiwi aríkí wíni eŋj tíni ráiawá re rayiŋinigini, “Ráriawé mixí ináyí Depitoyáoxini, wá niwianeí.” urayariŋagi 49Jisaso xegí pwarinje nirómáná re riŋinigini, “Omí ráiawá urípoyí.” uríagi ayí omí ráiawá nuriro re urigíawixini, “O wíarí nimúroariniri ayá síwí miriropani. Joxi náni ráiawá rirarini. Rixa Wiápínimeai.” uráná 50iyíá nipániri ŋweaŋj nipíriri emi nimómí niwiápínimeámi nuri Jisasomí wímeááná 51o re uriŋinigini, “Nioni pí simi náni nirariŋini?” uríagi siŋwí supáriŋo re uriŋinigini, “Nearéwapiyariŋoxini, nioni rixa siŋwí oaniminiri rirariŋini.” uríagi 52o re uriŋinigini, “Joxi diŋj ninikwírori náni dixí siŋwí rixa naŋj aníni. Dixí aŋj ui.” uráná re eŋinigini. Ámi rixa siŋwí noxoari naniríná óí e dání Jisasomí ríwíyo númi uŋinigini.

Jerusaremiyo nirémoríná mixí ináyí rémoarigiápa rémoŋj nánirini.

11 1-2Jerusaremi tíŋj aŋwi e nirémoríná aŋj onimiá biaú xegí yoí ripiaúrini. Betipasi tíni Betani tíni apiaúrini. Aŋj apiaúyí dáwí xegí yoí Oripipá tíŋj e nirémoro Jisaso xegí wiepisariŋiyí waúmi re urowáriŋinigini, “Awagwí aŋj dayo ikwíróniŋjípimi náni nuri rixa nirémori dogí sipikí wo ámá wí sini seáyi e éf miŋwearigío gwí yurárinŋagi siŋwí niwiniŋíná níkweari nimeámi bípiyi. 3Ámá wí ‘Pí náni íkweaariŋii?’ yariŋj e eaíánáyí, re urípíyi, ‘Yegí Ámináo dogí romi seáyi e nixenweari uni náni íkweaariŋwii. Rixa nixenweari nimeámi numáná ámi re wírénapiŋioi.’ urípíyi.” urowáráná 4awaú nuri ámá wíyoyá aŋj íwí e dogí sipikí wo gwí niyurárinimáná óí e roŋagi niwiniŋi íkweaaríná 5ámá wí dae rogiáyí yariŋj re wigíawixini, “Awagwí pí náni dogí o íkweaariŋii?” uríagía 6awaú Jisaso “Re urípíyi.” urípi axípi uráná ayí xe oíkweápiyiniri siŋwí winíagía 7awaú dogí sipiko Jisaso tíŋj e niméra nibiri niwárimáná Jisaso seáyi e éf xenweani náni wigí iyíá seáyi e ikwíáráná o seáyi e nixenweari nimeámi waríná 8ámá obaxí wí eŋíná mixí ináyowami yayí wianiro náni wigí iyíá nipírayiro óí e ikwianjwí neapára warigíápa axípi wigí iyíá óí e ikwianjwí neapára waríná wí ópá tíŋj e íriminí nániníŋj íkwianjwí nidoro óí e íkwianjwí neapára waríná 9Jisaso áwini e eŋáná xámi warigíáyí tíni ríwíyo warigíáyí tíni ráiawá re nira ugíawixini, “Gorixomi seáyi e oumeaneyi. Ámá Áminá Gorixo urowárenapiŋagi bariŋj ro oyá diŋj tíni seáyi e imóníwiniŋini. 10Aríowa mixí ináyí Depitoyá xwioxíyo ŋweaagiápa xwioxí nene ŋweaníwá náni nimóga bariŋjpi Gorixoyá diŋj tíni seáyi e imóníwiniŋini. Aŋjnamí seáyi e imóninomi seáyi e oumeaneyi.” nira ugíawixini.

Íkíá pikí winami ramixiñí nánirini.

¹¹Rixa Jerusaremi nirémoro Jisaso añí ridiyowá yarigíiwámi nipáwiri wáí ikwíróniñí e dání weniñí ami ami nemeri rixa síá órarinagi niwiniri xegí wiepisariñí wé wúkaú sikwí waú tñni nawíni añí yoí Betani nání nuro sá wegíá ¹²wíápi tñni niwiápínimeámi Betani píní niwiárimí nuríná Jisaso agwí wáagi ¹³weniñí éiyí winiñinigini. Íkíá yoí pikíyi riniñí wina, iwí iniñína jíami jíina roñagi niwiniri sogwí nání pía eminiri añwi e nuri weniñí éiyí winiñinigini. Ná miwé iwíni inariñagi niwiniri xegí ná weariníná sini mimóniñagi nání ná miweñagi niwiniri ¹⁴wiepisariñowa aríá egíe dání íkíánami re uriñinigini, “Íkíá rinaxini, ámá wí sogwí midanipa epíría nání ná miwepa sa añiñí re éirixini.” uraríná wiepisariñowa aríá wigíawixini.

Añí ridiyowá yarigíiwámi dání mixí urowárapiní nánirini.

¹⁵Jerusaremi nirémoro añí ridiyowá yarigíiwámi nipáwiro Jisaso re eñinigini. Ámá añí iwámi ínimi bí inarigíáyo mixídámí wiowárimí ámá nigwí senisí ninayiro tarigíáiyá íkwianjwí mimíwiárí eri ámá iñí xawiówí ridiyowá nání bí inarigíáiyí íkwianjwí éí ηweaarigíápi mimíwiárí eri ¹⁶ámá sañí amípí xwanjwí níkwónimi añí iwámi áwinimi añwi e imóniñe xemoarigíáyo píí wiaíkmí wiri eñinigini. ¹⁷E nemáná iwamíó nuréwapiyiríná miñí nirori re uriñinigini, “Re mirinipa reni, ‘Añí Gorixoniyáiwá nání re ripíríarini, “Ámá gwí wirí wirí nání Gorixomi xwiýá uripíría nání oyá añiwárimí.” ripíríarini.’ mirinipa reni? E niriniri aiwi soyíné íwí meaarigíáiyí yarigíápa axípíniñí nero nání añí riwá íwí meaarigíáiyá añiñiñí imónini.” uriñinigini.

¹⁸Apaxípániñí imónigíá xwéowa tñni ηwí ikaxí eániñipi mewegíáwa tñni ámá wí “Jisaso e neararini. E neararini.” rariñagiá aríá niwiro ámáyí o xwiýá uréwapiyariñiyí nání rixa diñí nipíkíniro nání Jisasomini xídipírixiniri wáyí nero ínimi omi pikianiro nání mekaxí niméra ugíawixini. ¹⁹Síá ayí ayo síá óraríná o wiepisariñowa tñni Jerusaremi píní niwiárimí nuro añí wíyo sá weagíarini.

Pikína yiweárinagi winigíá nánirini.

²⁰Jisaso wiepisariñowa tñni sá wegíá wíápi tñni niwiápínimearo Jerusaremi nání nuríná weniñí éiyáiyí winigíawixini. Íkíá pikína míkí aí tñni rixa yeáyí yáriñagi niwiniro ²¹Pitao Jisaso agíná éipi nání diñí winíagi miñí síñá neániri re uriñinigini, “Ai, nearéwapiyariñoxini, íkíá pikína joxi agíná ramixáííña rixa yiweánárinini.” uríagi ²²o “Emimí nioni éapa awa eni epaxírini.” niyaiwiri nání re uriñinigini, “Soyíné eni Gorixomi diñí niwikwíróa úpoyí. ²³Nioni nepa searariñini. Ámá giyí giyí ‘Díwí ripá nija rawirawáyo opiéroni.’ riri diñí ná bini mori xío ríipi

‘Xixeni imóniniŋoi.’ yaiwiri nerínáyí, Gorixoyá diŋí tñi xixeni eniŋoi. ²⁴Ayináni soyíné woxi woxi Gorixomi yariŋí niwiríná ‘Nioni re emíárini.’ uriro omi diŋí wikwíroro ‘Gorixoyá diŋí tñi xixeni imóniniárini.’ yaiwiro nerínáyí, oyá diŋí tñi xixeni imóniniárini. ²⁵Soyíné woxi woxi éf níroro Gorixomi yariŋí niwirínáyí, áamá wí sipí seaikáriáyí wikí miwónipa nero yokwarimí wiírixini. E nerínáyí, segí ápo aŋínami ŋweaŋo sipí soyíné wimixíápi náni eni yokwarimí seainíárini. ²⁶E mepa nerínáyí, aŋínami ŋweaŋo soyíné maŋí píri wiaŋkigíápi náni yokwarimí seainíámami.” uriniginini.

“ ‘Není tíŋoxi imónei.’ go ririŋoi?” urigíá nánirini.

²⁷Rixa Jerusaremi nirémoro Jisaso aŋí ridiyowá yariŋíwámi ínimi aŋí emearíná apaxípániŋí imónigíá xwéowa tñi ŋwí ikaxí eániŋípi mewegíáwa tñi Judayí mebaowa tñi omi niwímearo ²⁸re urigíawixini, “Aga go ririáŋi áamá aŋí ridiyowá yariŋíwámi riwámi bí inarigíáyo mixídámí éinigini? Diŋí goyá tñi e éinigini?” urigíá ²⁹Jisaso re uriniginini, “Nioni eni yariŋí bí oseaimini. Soyíné nioniyápi áwaŋí niránáyí, nioni eni ‘E érixini.’ niriŋo náni anani áwaŋí searimíni.” nuriri ³⁰re uriniginini, “Yariŋí nioniyá ripirini. Jono wayí nineameaia wago aŋínami ŋweaŋoyá diŋí tñi wayí nineameaia wagírani? Xíoyá diŋí tñi yagírani? Nioniyá api náni xámi áwaŋí nirípoyi.” uráná ³¹wiwaníŋowa diŋí nimoro ínimi yariŋí re niga ugíawixini, “None ‘Jono Gorixo diŋí ukikayoŋagi yagírini.’ áwaŋí e nuriranénáyí o re neariniŋoi, ‘Pí náni Jono searagípi náni mikwíropa néra ugíawixini?’ neariniŋoi.” niriniro ³²ámi ínimi re rinigíawixini, “None ‘Jono xegí diŋí tñi yagírini.’ uraniréwini? Oweoi. Áamá sipíá re epíroyí egíáyí iwaŋí neaeapírixini.” niriniro —Judayí níni Jono náni “Gorixoyá wía rókiamoagi worfani?” yaiwiarigíá eŋagi náni “Api eni xixeni uripaxí mimónini.” niriniro áamá iwaŋí neaeapírixiniri wáyí nero náni áwaŋí murí ³³re urigíawixini, “Oweoi, none majíárini.” urigíá Jisaso “Nioni eni ‘Joxi e érixini.’ niriŋo náni áwaŋí wí nisearimiméini.” uriniginini.

Ewayí ikaxí wainí omiŋí siŋwí uwiniarigíáwa nánirini.

12 ¹Jisaso ewayí xwiýá wí ŋwí ikaxí eániŋípi mewegíawami tñi Parisiowami tñi nuriri re uriniginini, “Áamá wo wainí uraxí iwáá nuriri xwíná nírori wainí xegí iniigí nípiría náni wainí sogwí xoyikímí enía náni síŋáyo óf nírixiri wainí omiŋíyo áwinimi aŋí awí ŋweapíría náni seáyi émi nimira nípeyiri néisáná áamá wí siŋwí uwinaxídipíría náni re uriniginini, ‘Wainí sogwí níáí éánáyí bí soyíné segí mearo nioni gí meari emía náni nioniyá omiŋí ripimi anani siŋwí niwinipírírani?’ nurimi aŋí wíyo ememiniri náni nuri niŋweáísáná ²wainí rixa níáí eŋáná xegí omiŋí wiirigíá womi re uowáriniginini, ‘Joxi nioniyá wainí

omiŋíyo náni nuri iniigí wainí awa nioni náni nimixiri iwajíá niárfápi nurápiyawui.’ urowáragi o nuri ³omiŋíyo rémóaná awa re egíawixini. fá nixero wé neáfasána anipáomi urowáragíawixini. ⁴Anipáomi urowáragía náni omiŋí xiáwo ámi xegí omiŋí wiirigíá ámi womi urowaráná awa re egíawixini. Omi xegí miŋíyo miŋí roro sipí wikáriro wíagía ⁵omiŋí xiáwo ámi wo uowaráná omi nipikiro tágá o ámi wami uowaráná wíyo iwanjini nearo wáriro wíyo nipikiro tiro néfasána eŋáná ⁶ámi wo xegí xewaxo diŋí sixí uyiŋo sini eŋagi omi nurowáriríná re riŋinigini, “Gí íwo eŋagi náni sipí wí miwimixipa nero aríá wipíráoi.” nimónarini.’ ríí aiwi ⁷xewaxo rémóaná wainí omiŋí siŋwí uwiniarigíáwa re rinigíawixini, ‘Íwí ro xanoyá diŋí tíŋo eŋagi náni omiŋí ripi níni negípi meaniwá náni opikianeyi.’ niriniro ⁸omi fá nixero nipikiro omiŋíyo bíaniriwámimi moaigíawixini.” Jisaso ewayí xwiýá api nuriri ⁹re uriŋinigini, “Omiŋí xiáwo omiŋí siŋwí uwiniarigíáwami pí winiŋoi? O nibiri awami xwiríá nikixerí ámi siŋí wa siŋwí uwinipiríá náni wárinŋoi.” nuriri ¹⁰re uriŋinigini, “Ewayí xwiýá Bikwíyo eániŋí ripi eni fá miropa egíárani? ‘Síŋá aŋí mirarigíáwa síŋá awiaxí náni píá nerfíná wo “Sipírini.” niriro emi mófo náni Gorixo “Síŋá o tíni xámi nitirínáyí aŋí eŋí neániri naŋí imóniniŋoi.” niriri síŋá o nimeari táná aŋí eŋí neániri naŋí imóniniŋirini. ¹¹Gorixo e éí eŋagi náni nene siŋwí niwiniríná aga naŋí imóniniŋagi winariŋwárinini.’ E eániŋípi soyíné fá miropa egíárani?” uríagi ¹²awa “None náni diŋí nineaiaiwiri ewayí xwiýá api ría neararini?” niyaiwiro rixa fá oxiraneyiniri éíáyí amá sipíá Jisasomi aríá wianiro náni o tíŋí e epíroyí egíá náni wáyí nero náni omi píni niwiárimimi ugíawixini.

Nigwí émáyo takisí náni wiarigíá nánirini.

¹³Awa nuro ínimi re rinigíawixini, “Omi pasániŋí nurirane yapí re uréwapiyaníwini, ‘Nigwí náni takisí émáyí nearáparigíápi sini mini wianiréwini? Mini miwipa yaniréwini?’ uraníwini. O ‘Oweoi, sini mini miwipa époyi.’ ránáyí, wauyowa omi fá nixero gwí yipíráoi. E miripa neri ‘Oyi, seyíné mini niwiríná apáni yariŋoi.’ ránáyí, amá sipíáyí ámi aríá bi miwí nero píni wiáripíráoi.” niriniro Parisi wa tíni mixí ináyí Xeroto tíni nikumixiniro emearigíá wa tíni xwiýá api tíni pasániŋí uraniro náni Jisaso tíŋí e uowaráná ¹⁴awa omi niwímearo weyí numeariro re urigíawixini, “Nearéwapiyariŋoxini, ninearéwapiyiríná nepáni nearéwapiyariŋoxirini. Amá ámináowayá siŋwíyo dáni aí xwiýá ámi xegí bi mirí axípini rariŋoxirini. Sipí riri naŋí riri yariŋímani. Xwiýá Gorixoyáni xixeni nearéwapiyariŋirini.” nuriri yariŋí re wigíawixini, “Émáýíyá mixí ináyí Sisaoyi riniŋomi takisí náni nigwí mini wiarinwápi sini mini wianiréwini? Píni wiáraniréwini? ¹⁵Sini anani mini wianiréwini? Mini miwipa yaniréwini?” uríagía aiwi o “Yapí niréwapiyaniro rinirariŋoi?” niyaiwiri re uriŋinigini, “Soyíné pí náni yapí pasániŋí níwapiyariŋoi?”

Émáýíyá moní bi siŋwí winani nimeámi bípoyi.” nuriri ¹⁶ rixa nimeámi báná o re uriŋinigini, “Nigwí ripimi yoí goyá tñi símimanŋí goyá tñi ŋweani?” uríagi awa re urígíawixini, “Émáýíyá mixí ináyí Sisaoyá ŋweani.” uríagiá ¹⁷ o re uriŋinigini, “Sisaoyá símimanŋí ŋweaŋagi náni ayí oyáriní. Ayináni mini wífrixini.” nuriri áamá Gorixo xewaniŋóniŋí imixiŋí eŋagi náni omi diŋí owikwírópoyiniri ámi re uriŋinigini, “Amipí Gorixoyániŋí imóniŋipi Gorixomi eni mini wífrixini.” uráná awa uduđí ayá wí winiŋinigini.

“Ámá ámi wiápínimeapírírini.” uriŋí nánirini.

¹⁸ Ámá Judayí wa Sajusiýi riniŋí wa —Sajusiowa re rarigíáwa, “Ámá nipémáná eŋánáyí wí niwiápínimeapaxímani.” rarigíáwarini. Awa nibiro Jisasomi niwímearo ¹⁹ miŋí niroro re urígíawixini, “Nearéwapiyariŋoxini, Moseso eŋíná nene náni ŋwí ikaxí bi re niriri ríwamiŋí eaŋírini, ‘Ámá wo sini niaíwí memea péánáyí xegí apixí sini ŋweaŋánáyí péomi xexírímeáowa wo niaíwí wiemeaini náni aní meáwinigini.’ e niriri eaŋírini.” nurimáná ²⁰ ewayí xwiýíá ripi urígíawixini, “Xexírímeáowa wé wíumi dánŋí waú eŋáná wo apixí wí nimeari niaíwí memea péánáyí ²¹ ámi xexírímeáowa wo aními nimeari o eni niaíwí memea péánáyí ²² xexírímeáowa ámi wo awaú egípa axípi neri ²³ nowani eni e néra nuro niaíwí wí memea nipémáná eŋánáyí apixí eni peŋinigini.” Ewayí xwiýíá Jisasomi e nuriro yariŋí re wigíawixini, “Ríwéná áamá pegíá níniyí wiápínimeááná xexírímeá wé wíumi dánŋí waú awa eni niwiápínimearíná apixí axími meagíáwa eŋagi náni apixí go go meaŋagi winaníwárianí?” yariŋí e wíáná ²⁴ Jisaso re uriŋinigini, “Soyíné xwiýíá Gorixoyá Bikwíyo eániŋipi náni nijá mimónipa ero eŋí sixí eániŋí Gorixoyápi náni eni nijá mimónipa ero nero náni xwiýíá wasiwá rariŋoi. ²⁵ Pegíáyí niwiápínimearóná ámi meániŋíríámani. Aŋínají aŋínami ŋweáwa imónigíápa axípi e ŋweapírírini. ²⁶ E niriri aiwi segí diŋí ‘Pegíáyí ámi wiápínimeapaxímani.’ yaiwiarigíáyí náni xwiýíá bi osearimini.” nuriri re uriŋinigini, “Pegíáyí ámi niwiápínimeapírírini. Xwiýíá eŋíná Moseso íkíá onimiánána ríá miní ápiáwí wearíagi winiŋipi náni Bikwíyo niriniri eániŋipi sini íá miropa regíawixini? Moseso ríá apimi siŋwí wináná xegí xiáwowa Ebíríamo tñi Aisako tñi Jekopo tñi awa pegíami eŋáná aiwi omi Gorixo re uriŋinigini, ‘Nioni dixí ráwowa Ebíríamo tñi Aisako tñi Jekopo tñi awayá Ŋwíá imóniŋáonirini.’ E uríagi náni awa pegíáwa aiwi wigí diŋí sini siŋí imóniŋagía náni Gorixo ‘Awayá Ŋwíáonirini.’ ripaxírini. ²⁷ O áamá xíomi diŋí niwikwíroro péíá af ayí sini wigí Ŋwíáorini. Ámá xíomi diŋí miwikwíró pegíá tñi sini siŋí ŋweagíá tñi aiwi wigí Ŋwíáomani. Soyíné diŋí aga wasiwá moariŋoi.” uriŋinigini.

“Ŋwí ikaxí gímini gipi seáyi e imónini?” urigíá nánirini.

²⁸ Ŋwí ikaxí eániŋipi mewegíá wo nibiri Jisaso Sajusiowa tñi xwiýíá ximiximí niniro rinariŋagía niwiniri Jisaso rixa píraníŋí ureŋwipeariŋagi

aríá niwiri yariñí re wiñinigini, “Ŋwí ikaxí eániñí niyoni gímimi gipi seáyi e imónini?” yariñí e wíagi ²⁹Jisaso re uriñinigini, “Gorixoyá Ŋwí ikaxí eániñí seáyi e imóniñípi ripirini, ‘Isireriyíné aríá époyi. Negí Áminá Gorixo ná woni onirini. ³⁰Gorixomi diñí sixí nuyiríná onimiápi onimiápi muyipa époyi. Diñí sixí uyiro diñí wikwíro ero eñí neániro xídiro érixini.’ Ŋwí ikaxí seáyi e imóniñípi apirini. ³¹Ámi axípi niriniri eániñí bi ripirini, ‘Ámá añí nemeríná siñwí winariñíyí náni wará dixí náni diñí sipí siariñípa axípi diñí sipí wiríni.’ Ámi bi eániñípi apirini. Gorixoyá Ŋwí ikaxí niriniri eániñíyí ripiaúmi wí seáyi e mimónini.” uríagi ³²Ŋwí ikaxí eániñípi meweño re uriñinigini, “Nearéwapiyariñoxini, neparini. Joxi xixeni miñí nirori re ríini, ‘Gorixo ná woni onirini. Axípi óniñí wo mimónini. ³³Gorixomi diñí sixí nuyiríná diñí sixí uyiro diñí wikwíro ero eñí neániro xídiro eríni. Ámá añí nemeríná siñwí winariñíyí náni wará dixí náni diñí sipí siariñípa axípi diñí sipí wiríni.’ Joxi xixeni e ríini. Ámá Gorixo náni sipisipí bi miní noni ríá nikaárirónárani, bi niniro ridiyowá niyárirónárani, nerínáyí nañí yariñí áwi ámá Gorixoyá Ŋwí ikaxí apiaúmi xídarigíyí seáyi e imónini.” uríagi ³⁴Jisaso Ŋwí ikaxí meweño diñí pírániñí nimori nañí e urariñagi aríá niwiri re uriñinigini, “Joxi diñí sini e nimóa nurínáyí nioni náni diñí ninikwírori Gorixo xwioxíyo mimeámí neri neameñweaníe náni páwipaxí imóniríini.” uríagi ámi ríwíyo ámá níni ayá urariñagi náni wí yariñí ámi bi owiminiri mibipa egíawixini.

“Kiraiso niaíwí goyáorini?” uriñí nánirini.

³⁵O sini Judayíyá añí sipisipí ridiyowá yariñíwámi dáni nuréwapiyiríná ámá e epíroyí egíáyo yariñí re wiñinigini, “Ŋwí ikaxí eániñípi mewegíáwa pí náni re rariñíarini, ‘Ámá nene yeáyí neayimixemeaní náni aríowayá xwíá piaxíyo dáni niwiaroríná sa xiáwo mixí ináyí Depitoyáo imóniniárini.’ pí náni rariñíarini? ³⁶Depito Gorixoyá kwíyí tñi niriri ríwamiñí nearíná ámá yeáyí neayimixemeaní náni aríowayá xwíá piaxíyo dáni iwiaronó náni re niriri eañíri, ‘Gorixo gí Ámináomi re uriñinigini, “Joxi wé náúmini niñweari siñwí naniri ñweañáná mixí sianiro bíáyo xopirárí riwiimíarini.” uriñinigini.’ ³⁷Depito ríwamiñí api niriri nearíná aríowayá xwíá piaxíyo dáni iwiaronó náni ‘Gí Ámináoyí ríagi náni arige neri sa xegí xewaxo imónini?” uríagi ámá e epíroyí egíáyí xegí xwiñíyá aríá niwiróná yayí wiñinigini.

“Ŋwí ikaxí mewegíáwa yariñípa mepani.” uriñí nánirini.

³⁸O sini nuréwapiyiríná re nura uñinigini, “Ŋwí ikaxí eániñípi mewegíáwa yariñípi mepa érixini. Awa ámá weyí oneamépoyiniri rapirapí sepiá niyínimi añí emero ámá yayí ‘Ámináoxini onearípoyiniri

awí eánarigíe aní emero ³⁹rotú aníyo nipáwirínáraní, aiwá imixarigíe niñwearínáraní, símí símí e ñwearo ⁴⁰apixí aníwami amipí níni íwí urápaniro náni ero ámá aría egíe dání Gorixomi xwiyíá ririmí niwiríná aníñí niwia uro yarigíápi seyíne mepa érixini. Ríwéná Gorixo ámá niyoni mí ómómiximí neríná awa xwiyíá xwé meárinipíríáraní.” uriniginini.

Apixí aní wí nigwí tiñípi nánirini.

⁴¹O sini aní ridiyowá yarigíiwámi ínimi aní nemeríná nuri Gorixo náni nigwí tayarigíe oriwámíni e éí niñweámáná ámá obaxí nimúroyiróná nigwí tariñagía niwiniri nigwí xwé tígíáyí xwé tariñagía niwiníísáná wininiginini. ⁴²Apixí aní uyípeayí wí omí nimúrori moní ría niñí biaú tíagi niwinimáná ⁴³xegí wiepisariñowami “Eini.” nuriri re uriniginini, “Nioni nepa searariñini. Apixí aní amipí mayí rí Gorixo náni nigwí onimiá ná biaúni tíí aiwi ámá níni tíayo seáyí e imónini. ⁴⁴Ámá nigwí xwé tíáyí ná sini niwenjáná obaxí tariñagía aiwi apixí riyí mayí enagi aiwi xegí nigwí aiwá náni bí epaxípi níni tiñoi.” uriniginini.

“Aní ridiyowá yarigíiwá pineapíríáraní.” uriní nánirini.

13 ¹Jisaso aní ridiyowá yarigíiwámi píní niwiárimí waríná xegí wiepisariñowa wo re uriniginini, “Nearéwapiyariñoxini, aní awiaxí ikwíróniri síñá nañí niñweaxa uri ení eyí siñwí winei.” uráná ²o re uriniginini, “Aní xwé tiyí siñwí riwininini? Ríwéná síñá kíkíróniñí ripiyí womi seáyí e ikwiárininíámani. Níni nikwierómioaníáraní.” nurimi ugíawixini.

Xeaníñí xámi wímeaníápi náni uriní nánirini.

³O díwí miñí Oripiyí riniñíyo niñweari aní ridiyowá yarigíá píní niwiárimí yapíáminí weniñí nero ñweañáná wiepisariñí Pitao tíni Jemiso tíni Jono tíni Adiruo tíni wigípi ⁴yariñí re wigíawixini, “Joxi ‘Síñá womi seáyí e ikwiárininíámani. Nikwierónowiníáraní.’ nearípi gíná imóniníáraní? Siñwí ayo niwinirane ‘Rixa nimónini anwi ayoríani?’ yaiwianíwá náni pí ekiyiñí neaininíáraní? Ekiyiñí neaininíápi náni áwaní nearei.” uríagía ⁵o áwaní nuriri re uriniginini, “Ámá wí yapí searéwapiyaníro epíríá enagi náni diñí íá nixiriro érixini. ⁶Ámá obaxí wo wo nibayiro yoí nioniyá niriníro yapí re searéwapiyaníro epíríáraní, ‘Yeáyí seayimixemeámía náni aríowayá xwíá piaxíyo dání iwaroñáonirini.’ searéwapiyaníro éáná ámá obaxí ‘Nepaxini.’ niyaiwiro xenwíyo xídipíríáraní. Ayináni nioni searariñápi diñí íá nixiriro érixini. ⁷Seyíne ‘Aní ayo mixí inariñoi.’ ránáyí, xwiyíá imiñí ‘Aní wúmi mixí inariñoi.’ riniméánáyí, wáyí mepani. Mixí ayí xámi niga nuri aiwi síá yoparí Jisasoni weapimíáyí sinirini. ⁸Ámá gwí wirí niwiápínimearo

wíniyí t́ni mixí iniro ero mixí ináyí wí niwiápínimearo wí t́ni mixí iniro ero anj́ wíyí wíyo poboní eri anj́ wámí agwí nání ikeamóniro yariṅagi niwiniríná diṅj́ re yaiwipíríá nání ‘Ríwéná xwé eníá nání iwamíó ríyí riyarini?’ yaiwipíríá nání searariṅini. Apixí niaíwí nixiriríná diṅj́ re yaiwiarigiápa ‘Ríwéná ríniṅj́ xwé niminiri nání iwamíó riniarini?’ yaiwiarigiápa soyíné eni nioni rariṅápi niwiniríná re yaiwíríxini, ‘Ríwéná xeaniṅj́ xwé neaímeaníárfani?’ yaiwíríxini. ⁹Nioni ríwímíni nimamopíríxini nioni searariṅápi símímíni tiro awíníṅj́ ṅwearo éfíríxini. Seyíné nioni nixídaríṅagiá nání áamá wí píri owiaífkianeyiniro íá niseaxero negí Judayíá opisí anj́yo seawáriro rotú anj́ neneyáyo dání iwanj́ seamépero epíríárfini. Mixí ináyí t́ni gapimaní t́ni ayíyá siṅwíyo dání eni niseaurárimáná xwirixí seamepíríá eṅagi aiwi nioni nání sini urífíríxini. ¹⁰Xwiyíá nioni nání yayí seainariṅj́pi áamá gwí wirí wirí nání aríá wigiámi eṅáná ámi weapimíárfini. ¹¹Ayí íá niseaxero opisí anj́yo seawáraná ayá síwí nisearori ‘Píné arire uraniréwini?’ miyaiwipa éfíríxini. Íná Gorixo pí pí nání searíyí anani kwíyí oyápmi dání uripíríárfini. ¹²Xexirímeá wo niwiápínimeari xexirímeáomi opikípoyniri íá nixeri opisí anj́yo wárirí xanowa eni wigí niaíwí opikípoyniri íá nixero opisí anj́yo wáriro niaíwíyí eni xaniyaúmi opikípoyniri wáriro epíríárfini. ¹³Seyíné yoí nioniyá niriwo xídaríṅagiá nání wikí niseaóniro símí t́ni seaipíríárfini. E seaipíríá eṅagi aiwi giyí giyíné eṅj́ neániro nioni nixídiro anj́ diṅj́ nikwíroto nerínáyí, síá yoparí nioni ámi bimíáyi Gorixo anani yeáyí seayimixemeaníárfini.

Áamá wo ṅwíá imóniṅe xórórí enííná nání uríṅj́ nánirini.

¹⁴“Seyíné áamá sipí seaikáriṅo ṅwíá imóniṅe xórórí neri xwiríá ikixéagi niwinirínáyí áamá Judia piropenisíyo ṅweagiáyí díwí t́ṅj́ e nání éfí yíríxini. Áamá giyí xwiyíá ripí íá roariṅíyí diṅj́ pírániṅj́ mófíríxini. ¹⁵Áamá giyí giyí anj́ waíwíyo nipeyiro seáyímíni miriniṅiwámi niṅwearo ‘Sipí neaikáriṅo rixa ṅwíá imóniṅe xwiríá ikixérfini.’ rinariṅagiá aríá niwirínáyí niwiápínimeámáná amipí ínimi anj́ miriniṅiwámi weṅj́pi meaniro nání mipáwipa sa díwí t́ṅj́ e nání anj́ni éfí yíríxini. ¹⁶Áamá aiwá omiṅíyo yariṅíyí eni aríá e niwirínáyí ámi iyíá meaniro nání anj́ e nání mupa sa díwíyo nání éfí yíríxini. ¹⁷Íná apixí niaíwí agwí egíwa t́ni sini niaíwí amíṅj́ narigíwa t́ni anj́ni éfí upaxí meṅagi nání aweyi. Aríge anj́ni díwíyo nání éfí yipíríárfani? ¹⁸Anj́ni éfí mupaxí neaimóniniginiri Gorixomi rixiṅj́ re urífíríxini, ‘Íná imiṅj́ miripa éwinigini.’ urífíríxini. ¹⁹Gorixo xwíá imixiri anj́na imixiri eṅj́ e dání áamá xeaniṅj́ nimóga bagía aiwi sipí seaikáriṅo ṅwíá imóniṅe xwiríá ikixéáná xeaniṅj́ ríá t́ṅj́ seaikáriníárfini. Xeaniṅj́ íná imóniníápi t́ni ámi wí xixeni imóniníá menini. ²⁰Gorixo ‘Xeaniṅj́ api anj́ni píni owiárfini.’ miyaiwipa nerínáyí áamá ńni miṅweapaxírfini. Áamá xío eyíroáriṅíyí

náni diŋí nimori náni ‘Xeaniŋí api aŋíni anipá oimónini.’ yaiwiníá eŋagi náni apaxí mé píni wiáriníáriní. ²¹Xeaniŋí api seaímeáána ámá wí ‘Ámá yeáyí neayimixemeanía náni aríowayá xwíá piaxíyo dáni iwiaronío jíiwo ηweani.’ ránáyírani, ‘Riwo ηweani.’ ránáyírani, aríá miwipa érixini. ²²Wí epaxí eŋánáyí, ámá Gorixo eyíroáriŋíyo yapí wíwapiyaníro neríná nepa mimónipa nero aí ‘Aríowayá xwíá piaxíyo dáni iwiaroníáonirini.’ nurimáná emimí ero ayá riwamónipaxí imóniŋípi ero epíríáriní. Wí nepa mimónipa nero aí ‘Gorixoyá wíá rókiamoariŋíáonirini.’ uriro emimí ero ayá riwamónipaxípi ero epíríáriní. ²³Amipí ríwéná imóniníápi náni ríxa áwaní searíagi yapí seaíwapiyipíríxiniri náni diŋí nimoro érixini.

Ámá imóniŋo aŋínami dáni weapiníápi nánirini.

²⁴Xeaniŋí api nípini ríxa niseaímeámáná eŋáná sogwí síá yiniri emá wíá mónipa eri ²⁵siŋí aŋínami dáni exweánowiri amipí eŋí eáníŋí aŋínami eŋyí úpiyiniri nemáná eŋáná ²⁶ámá imóniŋáoni eŋí neániri agwíyo dáni wíá nókía weapariŋagi nanípíríáriní. ²⁷Nanáná aŋínají ámá Gorixo eyíroáriŋí xwíá rírími nírímíni aŋí gimi ηweagiáyo wirimeamepírí urowárimíáriní.” uriniginíni.

Ewayí ikaxí íkíá pikí nánirini.

²⁸E nuriríná ewayí xwíyá ripi uriniginíni, “Íkíá pikíyi riníŋyí reŋí siŋí neániro miŋí ináná ‘Xwiogwí rixaríani?’ yaiwiarigíáriní. ²⁹Pikíyíniŋí xwiogwíná náni nijíá imónipírí yariŋípa xwíyá nioni ekiyíŋí náni searíáyí ríxa imónariŋagi niwinírínáyí diŋí re yaiwíríxiní, ‘Jisaso ríxa niweapírí náni riyarini? Ríxa aŋí íwí éniŋí rónapini.’ yaiwíríxiní. ³⁰Nepa searariŋini. Ámá gwí axí rírí sini anipá mimónipa eŋáná nioni searíápi wí surímá mimónipa neri nípini xixeni imóniníáriní. ³¹Xwíá tíni aŋína tíni anipá imóniníá eŋagi aiwi xwíyá nioniyá wí surímá imóniníámani.

Jisaso weapiníáyi náni ámá níni wo nijíá mimónini.

³²Nioni ámi gíni gíná niweapimía nányí ámá níni aiwi wo nijíá mimónini. Aŋínají aiwi nioni aiwi majíá imóniŋwini. Sa gí áponi nijíáriní. ³³Ayináni diŋí pírániŋí nimoro ηweárixini. Nioni gíni gíná niweapimía náni seyíné majíá imóniŋagiá náni xwayí naniri ηweárixini.” nuriri ³⁴re uriniginíni, “Nioni niweapimía nányí réniŋí imónini. Ámá wo aŋí wími urínimíniri nuríná xináíwániŋí omiŋí wiariŋíáwa o omi ‘Nioni úaná omiŋí joxi niariŋípi pírániŋí nírixini.’ nura uŋiniginí. E neríná womi ‘Aŋí íwí e awí roariŋoxi xwayí naniri awí rórixini.’ uriŋo eŋípi ³⁵soyíné axípi érixini. O ‘Aŋí xiáwo gíni gíná biníríeniŋoi?’ niyaiwiri ‘Síápi tíni biníríeniŋoi? Áríwegíyo biníríeniŋoi? Karíkarí ríaiwá raríná biníríeniŋoi? Wíá móniŋími biníríeniŋoi?’ niyaiwia nuri majíá nimóniri náni ³⁶⁻³⁷o nioni sá weŋáná nímeaniginiri

aniñí xwayí naniri awí roariñípa niyínéni eni nioni weapimía nání píraníñí ñiñí nimoro ñweárixini. Seyiné eni maiwí níkaríga waríñagía siñwí seanimiginiri nání searariñini.” uriñiginini.

Jisaso nání mixí megía nánirini.

14 ¹Ríxa síá wíyáú óráná síá eñíná añínajo Judayo múronj nání bisferiá yisí mayí iwamíó narigíayi —Eñíná síá ayi Judayo Isipiýí mixí ináyo íá xerwiráñáná Gorixo niaíwí xámiñí nání opikíminiri añínají oyáo urowáñíñí aiwi Judayí Gorixo ñwí ikaxí uríñipi tñi xixeni neri bisferiá yisí mayí úrapí nimixiro niniro sipisipí ñipikiro ówaníyo ragí xópé yáriá eñagi nání añínajo ayo múronjiginini. Ayináni xwiogwí o o pwéáná Judayí Gorixo eñipi nání ñiñí miwinipa eniginiri sipisipí ñipikiro bisferiá yisí mayí úrapí nimixiro narigíarini. Ríxa síá wíyáú óráná síá añínajo Judayo múronj nání bisferiá yisí mayí iwamíó narigíayi imóninía eñáná apaxípaníñí imónigía xwéowa tñi ñwí ikaxí eániñipi mewegíáwa tñi awa Jisasomí arige ínimi íá nixihiro pikianiréwiniro ínimi mekaxí número ² re rinigíawixini, “Síá ayimi áamá nání aiwá imixaniro eñroyí egíayimi ayí mixí épímixamoaniginiri mipikipa éwanigini.” rinigíawixini.

Apixí wí omi werixí wiwayímonj nánirini.

³Jisaso ámi añí yoí Betani nání nuri Saimono peyíyí imónagoyá añíyo niñweari aiwá naríná apixí wí werixí ñiñí nañí eaariñí sixí wá —Sixí awá ñigwí aga xwé roñíwárinini. Awá nimeámi ñibiri íá nóxayimixiri Jisasomí miñíyo iwayímóáná ⁴wa wikí ñiñí niwíaiwiro re rinigíawixini, “Í pí nání werixí ñigwí xwé roñipi xwiríá ikixearini? ⁵Nene werixí apí ñigwí nání bí neri siñwiriyí, ñigwí K300 seáyi e nimearane áamá uyípeayíyo arirá niwirane mini wipaxírinini.” niriñiro ími mixí uraríná ⁶Jisaso re uriñiginini, “Xe oeni. Pí nání ayá wí urariñoi? Í nañí niarini. ⁷Áamá uyípeayí sini seyiné tñi aniñí ñweapíríá eñagi nání gini gíná ‘Ayo arirá owianeyi?’ niriñíná anani arirá wipaxírinini. E neri aiwi nioni seyiné tñi nawíni aniñí re ñweámíámani. ⁸Í ‘Arige neríná Jisasomí arirá wimíáríani?’ niyaiwiri xwáripáyo ñitipíri eñagi nání aniñíni xámi gí waráyo xópé níararini. ⁹Nepa searariñini. Xwíá rirí niriñimíni ami gimi xwiýíá nioni nání yayí seainariñipi wáí nemero nurimeríná apixí rí nioni werixí ñiñí nañí eaariñí ripí niwayímóipi nání eni repiyí wíáná ‘Jisasomí apixí wí e iyí reñiginini?’ yaiwipíríarini.” uriñiginini.

Judasomí miyí uriñí nánirini.

¹⁰Jisasoyá wiepisariñí wo, Isikarioti dáñí Judasoyí riniño apaxípaníñí imónigía xwéowami Jisaso nání miyí urimíniri nuri niwímeari ¹¹miyí uráná awa yayí nero apaxí mé re urigíawixini, “Ñigwí siapaníwini.”

uríagía Judaso nuri Jisaso xegípi ηweáage awa anani íá xiripíríe siηwí wináriminiri omi siηwí winaxídimeniginini.

Aiwá Añínají Múroηíyi náni nigíá nánirini.

¹² Bisíkeríá yisí mayí iwamíó narigíiná rixa añínajo Judayo síá ayimi múroηí náni diηí mopíri náni sipisipí miá pikiaríná xegí wiepisariηowa Jisasomi re urigíawixini, “Ge nurane aiwá añínajo neamúroηíyi náni ríá yeaariηwápi joxi tñi nawíni nanípi riyamí yáraníwini?” uríagía ¹³ o wiepisariηíyi waúmi nurowárirí re uríηiginini, “Jerusaremi náni nuri añíyo áwinimi áamá wo iniigí sixí nixirimi waríηagi órorí ninirónáyí númi úisixini. ¹⁴ Númi nuri añí o páwíiwámi awagwí eni nipáwiri añí xiáwomi yariηí re wíisixini, ‘Yearéwapiyariηo re ríiniginini, ‘Gí wiepisariηowa tñi aiwá Añínajo Neamúroηíyi náni niniríná añí awawá giwámi dáni naniréwini?’ ríiniginini.’ uráná ¹⁵ o añí awawá seáyimi ikwíróniηíwá íkwianηwí níni rixa píraníηí imixáriníηíwá siwá eainíηoi. E eafáná awagwí e aiwá none náni riyamí éisixini.” uríagi ¹⁶ awaú nipeyari añípimi náni nuri Jisaso urípa xixeni neri aiwá Añínajo Múroηíyi náni riyamí egfísixini.

¹⁷ Síapi tñi Jisaso tñi wiepisariηí wé wúkaú sikwí waú tñi awaú aiwá riyamí éíe náni nuro ¹⁸ añíyo nipáwiro niηwearo aiwá niniróná Jisaso re uríηiginini, “Nepa searariηini. Aiwá nariηwá rone woxi nioni náni miyí nuriríni.” uríagi ¹⁹ awa ayá sipí wíagi wo wo re urayigíawixini, “Nionimani. Nionimani.” urayaríná ²⁰ o re uríηiginini, “Wé wúkaú sikwí waú egíoyíné woxirini. Soyíné nioni tñi múyo eagwianariηwáone woxirini. ²¹ Woxi xwiyíá Gorixoyá áamá imóniηáoni náni ríwamiηí niriniri eániηípi tñi xixeni niríni. Áamá imóniηáoni náni miyí uríoxiyí síá wiyi joxi majíá róríná éηagi náni aweyi! Xináí omi mixirípa neri siηwiríyi, naηí imóniminiri eñírini.” uríηiginini.

“Ripi gí waráriní.” uríηí nánirini.

²² Sini aiwá niniróná o bisíkeríá bi nimeari Gorixomi api náni yayí niwimáná kwikwirimí neri yaní niwia nuríná re uríηiginini, “Nirápípoi. Ripi gí waráriní.” nurimáná ²³ wainí iniigí kapixí wá nimeari Gorixomi yayí niwiri awami miní wíáná nowani niga waríná ²⁴ re uríηiginini, “Wainí ripiyí gí ragírini. Nioni áamá níni náni nipikíáná ragí nioniyá xwiáyo pwaríηagi niwiniríná soyíné re yaiwipírírini, ‘Xwiyíá siηí “Nioni niperiηípimi dáni yeáyí seayimixemeámírini.” réoáriηíyi neparini.’ yaiwipírírini. ²⁵ Nepa searariηini, ‘Nioni iniigí wainí ámi wí miní néra núisáná Gorixo rixa xwioxíyo mimeámí neri seameηweaní ηweaηáná ámi siηí nimíáriní.’ searariηini.’ nuriri ²⁶ soηí bi nirimowa nipeyaro dáwí Oripiyo náni ugíawixini.

“Pitaoxi ríwí nimoríni.” uríηí nánirini.

²⁷ Jisaso re uríηiginini, “Ewayí xwiyíá niriniri eániηí ripi aríá nípoi, ‘Gorixo sipisipí meariηomi pikioeawáraná sipisipí níni

wiwíni umiamoniŋoi.’ E niriniri eániŋipi t́ni xixeni soyíné wáyí nero nionini niepisamopírãoi. ²⁸E neri aiwi nioni Gorixoyá diŋí t́ni niwiápínimeámáná Gariri piropenisíyo xámi seameámíarini.” uríagi aiwi ²⁹Pitao re uriŋinigini, “Ámá ńni siepisamopíri aiwi nioni wí e emiméini.” uríagi ³⁰Jisaso re uriŋinigini, “Nepa rirariŋini. Sía riyimi karíkarí sini ráiawá biaú miripa eŋáná jiwaniŋoxi biaú bi re rayiríni, ‘Jisaso t́ni nikumixiniri emeariŋá wonimani.’ biaú bi rayiríni.” uríagi aiwi ³¹Pitao aríkí re uriŋinigini, “Wa nioni t́ni nawíni niyeapíkiri aiwi nioni wí ‘Jisaso náni majíonirini.’ rimiméini.” uraríná wiepisariŋí wía eni axípi rigíawixini.

Ojikwíyo dáni Gorixomi rixiŋí uriŋí nánirini.

³²Awa ojikwí yoí Gesemaniyo nirémoro Jisaso wiepisariŋowami re uriŋinigini, “Nioni Gorixomi yariŋí wimi náni yimi soyíné re ŋweápoyi.” nuriri ³³Pitaomi t́ni Jemisomi t́ni Jonomi t́ni niwirimeámi nuríná ayá síwí nurori diŋí ría uxeariŋagi ³⁴re uriŋinigini, “Diŋí ría nixeariŋagi náni rixa nipepaxí niarini. Soyíné re xwayí naniro ŋweápoyi.” nurimi ³⁵jíamini e onimiápi nuri miŋí xwíayo nikwírori Gorixomi yariŋí niwiríná imónipaxí eŋánáyí awa minipikí wiárí onimúrípoyiniri Gorixomi re uriŋinigini, ³⁶“Gí ápe, joxi anani mepaxí wí mimónini. Nipikianiro yariŋí iniŋí yíkí yariŋíniŋí imóniŋí ripi anani emi nimamoriréini? Nioni yariŋí nisiri aiwi gí diŋí xídímiméini. Dixí diŋí pí pí yaiwíyí nixixídímíni.” Gorixomi e nurimi ³⁷nibiri weníŋí éfyí winiŋinigini. Awa sa weŋagá niwiniri Pitaomi re uriŋinigini, “Saimonoxi sá riweŋini? Weníŋí nero onimiápi miŋweapaxí riseaimónarini? ³⁸Obo nibiri yapí seaŋwapiyinigini. Siŋwí naniri niŋwearo Gorixomi rixiŋí urípoyi. Diŋí t́ni anani ‘Jisasomi pí pí wímeáyí xídaníwini.’ niyaiwiro aiwi segí wará náni ayá nirimixiniro náni éí seainiŋoi.” nurimi ³⁹nuri Gorixomi yariŋí wípi axípi ámi niwimáná ⁴⁰ámi nibiri awa wigí siŋwí sipíxipíxí winariŋagi náni sá órowapiŋagá niwiniri xwiýá bi muríagá niwiniri ámi Gorixomi yariŋí wiminiri nuri niŋweaŋisáná ⁴¹nibiri re uriŋinigini, “Sini sá riwoyíné riweŋoi? Kikiá riyariŋoi? Rixarini. Ámá imóniŋáoni pasá níáná íwí yariŋíáwa íá nixepíri rixa agwirini. ⁴²Wiápínimeápoyi. Rixa owaneyi. Pasá nino rixa iwo barini.” uriŋinigini.

Jisasomi pasá umeniŋí nánirini.

⁴³Sini e uraríná re eŋinigini. Wiepisariŋí wé wúkaú síkwí waú imónigíáwa Judaso apaxípániŋí imónigíá xwéowami t́ni ŋwí ikaxí eániŋipi mewegíawami t́ni Judayí mebaówami t́ni miyí uráná awa wigí ámá iwaŋí t́ni kirá t́ni íá xirigíawami awí nearo Judaso t́ni Jisaso t́ni e náni wírenapáná awa nibiro Jisaso wiepisariŋí wíami uraríná wímeagíawixini. ⁴⁴Jisasomi niwímearóná Judaso óí e nuróná

re urípa, “Nioni pasániñí numeri omi kíyí nimiaúniríná símimajíóniñí re seaiariñini, ‘O Jisasorini.’ Omi soyíné íá nixihiro niméra úpoyi.” Óí e nuróná e urípa ⁴⁵rixa Jisasomi niwímeáríná re enjinigini. Añwi e nuri “Nearéwapiyariñoxini” nuriri kíyí miaúniñinigini. ⁴⁶Kíyí miaúnáná omi mírì nuro íá xirigíawixini. ⁴⁷Íá xiraríná áamá Jisasoyá xío tíni rogíá wo kirá arerixiyo wéróniñipi nimixeari áamá Jisasomi íá xirarigíá womi —O apaxípániñí imóniñí seáyi e imóniñoyá xináiniñí nimóniri omiñí wiarinorini. Omi miñí orómíniri éyí píri nimoykiri aría miñí niwirípieari mamówárinigini. ⁴⁸E éáná Jisaso mixí bíáwami re uriñinigini, “Soyíné áamá íwí yariñíáyo íá xiraniro nání mixí nimónimi warigíápa nioni eni íá nixiraniro nání mixí nimónimi ribariñoi? ⁴⁹Síá ayí ayimi añí ridiyowá yariñíwámi siñáni nimóniri searéwapiyaríná soyíné wí íá minixirarigíawixini. Pí nání? Ayí píné Gorixoyá nioni nání niriniri eániñipi xixeni imónini nání yariñoi.” uraríná ⁵⁰wiepisariñí nowani omi niwiepisamoárimi ugíawixini. ⁵¹Awa niwiepisamoárimi úáná niaíwí sikiñí Jisasomi xídariniñí wo rapirapí apía weñni xopixopí nirónimi nibiri Jisaso tíñí e axí e rónapáná mixí bíáyí omi íá xiraniro éfáyí ⁵²rapirapí ú nipíripearimi aikí mayo éí uñinigini.

Áríwiyimi Jisasomi xwirixí umegíá nánirini.

⁵³Mixí bíáyí Jisasomi nimeámi apaxípániñí imóniñí seáyi e imóniño tíñí e nání nuro e wáráná apaxípániñí imónigíá xwéowa tíni Judayí mebaówa tíni ñwí ikaxí eániñipi mewegíáwa tíni awí eánaríná ⁵⁴Pitao Jisasomi mixí bíáyí nimeáa waríná ná ríwíyo númi nuri apaxípániñí imóniñí seáyi e imóniñoyá ákiñáyo nipáwiri porisowa tíni niñweámáná ríá imónaríná ⁵⁵apaxípániñí imónigíá xwéowa tíni xwirixí mearigíá nowani tíni awa áamá siñwí íwí winarogíá wí xwiýíá Jisasomi anani nipikipaxí imóniñí bi orípoyniri nero aiwi Jisasomi pikipaxí bi mirariñagíá niwiniro ñweañáná ⁵⁶ámá obaxí omi nuxekwímoayiro aiwi axípiñi mirí bi bi nira nuríná ⁵⁷ámá wí éí niroro Jisasomini yapí nuxekwímoro re urigíawixini, ⁵⁸“Nene o re rariñagi aría wiñwanigini, ‘Nioni añí ridiyowá yariñíá riwá, áamá wé tíni mirigíá riwá nipíneámáná síá wiyáú wiyi óráná ámi wiwá, wé tíni mimiripa egíá wiwá mirimíarini.’ rariñagi wiñwanigini.” urariñagíá aiwi ⁵⁹xwiýíá api aí axípiñi mirí bi bi nira wariñagíá niwiniro ⁶⁰apaxípániñí imóniñí seáyi e imóniño niwíápínimeámi añwi e nibiri Jisasoyá símí e nirómáná yariñí re wiñinigini, “Ayí xwiýíá ‘Joxirini.’ rixekwímoarigíáyo xwiýíá joxiyá wí eni miripaxí risiarini?” uríagi aiwi ⁶¹Jisaso xwiýíá wákwapaxí aiwi kíkmí nimóniri xwiýíá bi murariñagi apaxípániñí imóniñí seáyi e imóniño yariñí ámi bi niwiri re uriñinigini, “Joxi niaíwí Gorixoyáoxi, nene yeáyí neayimixemearía nání aríowayá xwíá piaxíyo dání iwiaroñoxirani?” uríagi ⁶²Jisaso “Nionirini.” nuriri re uriñinigini,

“Ámá imóniñáoni Gorixo ení sixí eániñoyá wé náumini ñweari agwí tñni weapiri yariñagi siñwí nanipíríárini.” uríagi ⁶³apaxípániñí imóniñí seáyi e imóniño wikí niwóniri nikinimóniri xegí rapirapí naxeri xwirixí mearigíá wíami re uriñinigini, “Siñwí íwí winarogíáyí ríápi náni diñí wí ikwíroaniméwini. ⁶⁴Xewaniño Gorixomi ríperirí umeararíná soyíné rixa aríá wíoi. Diñí soyínéyá pí ‘Oyaneyi.’ yaiwiaríñoi?” uráná awa “Xwiyíá ámi bi ripaxí mimónigoí. Rixa opikípoyi.” niríásaná ⁶⁵wa re egíawixini. Reañwí úriro írikwí siñwíyo rití niyárimáná iwaní earo re uriro, “Wíá rókiamoarinoxini, amipí ínimi éíápi áwaní ragoxi, iwaní go rearini? Áwaní nearei.” uriro néíasaná añí ridiyowá yarigíiwá awí mearoarigíawami mini wíáná awa eni símimaníyo wé upikákwiayigíawixini.

Pitao “O nání majíonirini.” uriñí nánirini.

⁶⁶Pitao, awa añíyo ínimi Jisasomi xwirixí mépero iwaní earo yaríná, o míde ákiñáyo ínimi ñweañáná apixí apaxípániñí imóniñí seáyi e imóniñoyá omiñí wiariñgíá wí nibiri ⁶⁷Pitao ríá imónariñagi niwiniri siñwí agwí niwináriñisáná re uriñinigini, “Joxi eni Nasareti dání Jisaso tñni emearigíáyí woxirini.” uríagi ⁶⁸Pitao “Oweoi.” nuriri re uriñinigini, “Jíxi rariñipi nání nioni majíárini.” nurimi niweri íwíyi tññí e éí roñáná ⁶⁹apixí apiyá axí eni niweri o e roñagi niwiniri ámá e rówapigíáyí tññí e dání omi árixá niwiri re uriñinigini, “Ámá oyí Jisaso tñni nawíni emearigíá worini.” uríagi aiwi ⁷⁰o “Oweoi. Nionimani.” nuriri roñáná ámi ríwíyo ámá e rówapigíáyí re urigíawixini, “Neparini. Joxi awa tñni emearinoxirini. Joxi Gariri piropenisíyo dánoxi enagi nání Jisaso tñni emearinoxirini.” uríagía aiwi ⁷¹Pitao sipí ikaxí niriri xwíá e dání re uriñinigini, “Ámá soyíné rariñio nání majíonirini.” rixa uráná re eníinigini. ⁷²Karíkarí ráiawá ámi bi ráagi aríá niwiri Jisaso “Síá riyimi karíkarí sini ráiawá biaú miripa enáná joxi ‘Jisaso nání nioni majíonirini.’ biaú bi rayiríni.” uríipi nání diñí niwiniri yapí uríyí nání ayá sipí wíagi ñwí eañinigini.

Jisasomi Pairato tññí e wárigíá nánirini.

15 ¹Wíá móniñími apaxípániñí imóniñgíá xwéowa tñni Judayí mebáowa tñni ñwí ikaxí eániñipi mewegíáwa tñni awa Judayí xwirixí mearigíá nání tñni awí neániro xwiyíá nimixárimáná Jisasomi gwí niyiro nimeámi nuro émayíyá gapimaní Pairatoyí riniñomi mini wíáná ²o Jisasomi yariñí re wiñinigini, “Judayíyá mixí ináyoxirani?” Yariñí e wíagi Jisaso “Ayí joxi rariñini.” uráná ³apaxípániñí imóniñgíá xwéowa omi símí tñni uxekwímoaríná ⁴Pairato ámi Jisasomi yariñí re wiñinigini, “Xwiyíá joxiyá wí niwiápnimeari miripaxí risiarini? Ayí xwiyíá ‘Joxini.’ rixekwímoarigíáyí onimiápi niriro miyariñoi.” uríagi aiwi

⁵ Jisaso xwiýíá wákwipaxí aiwi ámi píné bi miríagi náni Pairato diñí ududí niwiga uñinigini.

Pairato Jisasomi níkweari wáriminiri eñipi nánirini.

⁶ Síá Añínajo Judayo Múroñýi imóniñáná xwiogwí ayí ayo Judayí nuro wigí gwí ñweagiá wo náni émáýí gapímanomi yariñí wáná o ayí nioni náni yayí onípoyiniri nimixeari uwáriagírini. ⁷ Iná áamá wo Barabasoýi riniño —O áamá wa tñi niwiápínimearo “Wauyowami mixí oxí dowáraneyi.” niriniro awa tñi mixí niniróná o áamá womi pikíagi émáýí omi tñi áamá xío tñi niroro mixí egíawami tñi gwí yíagiá náni o íná kirapusi añíyo ñweañorini. ⁸ O náni oxí apixí níni aiwá api náni awí eánigiáýí émáýí gapímaní Pairatomi nuro yariñí re wigíawixini, “Xwiogwí ayí ayo negí áamá gwí ñweagiá wo neaiapagípa ámi wo neaiapiréini?” uríagiá ⁹⁻¹⁰ Pairato “Apaxípaniñí imónigiá xwéowa Jisasomi sipí diñí niwaiwiro náni gwí niyiro nimeámi níbiro niapáoi.” niyaiwiri re uriñinigini, “Segí mixí ináyí Jisasoýi riniño seawáriminiréini?” uríagi aiwi ¹¹ apaxípaniñí imónigiá xwéowa wía móniñími áamá aiwá api náni epíroyí egíayo re rináriméfiá náni “Jisaso pí eñiño! O náni yariñí miwipani. Barabaso náni yariñí wípoyi.” rináriméfiá eñagi náni ¹² ayí Pairatomi re urigíawixini, “Barabaso neawárii.” uríagiá Pairato re uriñinigini, “Judayíneyá mixí ináyí urigíomi pí emíni?” uríagi ¹³ ayí xixewiámí re urigíawixini, “Íkiáyo yekwiroárei.” uríagiá ¹⁴ Pairato re uriñinigini, “Pí íwí éi náni e emíni?” uríagi aiwi awa xixewiámí nura nuro “Íkiáyo yekwiroárei.” urayariñagiá ¹⁵ Pairato ayo oyapemiximiniri neri re eñinigini. Barabaso nimixeari nuwárimáná xegí porisowa Jisasomi iwaní xaiwí nimépéfasáná eñáná awami re uriñinigini, “Omi nimeámi nuro íkiáyo yekwiroáripoyi.” uriñinigini.

Omi riperirí umeariro íkiáyo yekwiroáriro egíá nánirini.

¹⁶ Porisowa Jisasomi nimeámi gapímanoyá añiwámi —Añí yoí ayí Piretoriumiyí riniñiwámirini. Añí iwámi nipáwiro wauyí porisí nowamini “Eini.” nuriro “Omi riperirí omépeaneyi.” niriniro re egíawixini. ¹⁷ Rapirapí ayíá riñí wú mixí ináyí yínarigiá wú nimearo omi nuyíriro ópiyá eñiñiñí imóniñí wirí níkiyíimáná mixí ináyí aminañwíniñí imóniñí miñíyo díkinarigiápa miñíyo xaiwí udíkiáriro nemáná ¹⁸ mixí ináyíyo yayí wiarigiápa riperirí niwiro re urayigíawixini, “Judayíyá mixí ináyoxirini.” nurayiríná ¹⁹ wegwiá tñi miñíyo iwaní earo reañwí úriro xómiñí niyíkwiro miñí xwiáyo ikwíroro nero ²⁰ rixa riperirí numépéfasáná rapirapí ayíá riñú niwiriro ámi xegú nuyíriro íkiáyo yekwiroáraníro náni nímera nuro ²¹ ói e nuríná áamá obaxí pwarigiá womi xegí yoí Saimonoyi —O añí yoí Sairini dánjorini. Xewaxo yoí Arekisadaorini. Xexirímeáo yoí Rupasorini. Omi porisowa íá níxero

“Jisaso nání íkíá yoxáí ripá nimeámi wuii.” nuriro ²² Jisasomi niméra nuro díwí bi Gorígota riniñípimi —Yoí míkí ayí ámá miñí gixweá nánirini. Díwí apimi nirémoro ²³ ámá wa Jisaso riniñí bi miwinipa oeniri marisiná muríyi riniñí bi iniigí wainíyo niwayimori mini wianiro yariñagía aí o murápi “Oweoi.” uráná ²⁴ porisowa omi íkíáyo niyekwiroáriro xegí rapirapí yaní menaniro sárúyo dání “None go meanirfeniñoi?” niriniro sárú egíawixini.

²⁵ Jisasomi 9:00 a.m. imónáná rixa sogwí xaíwí anaríná íkíáyo niyekwiroáriro ²⁶ ámá nání “O íwí rípi éí nání ripikiariñoi?” oyaiwípoyiniri íkíá wará nimearo “Judayíyá mixí ináyorini.” niriro ríwamiñí e nearo íkíáyo seáyi e nipírauro ²⁷ ámá ámáya amípí íwí pikioráparigííwaú eni Jisaso tñí e midimidáni niyekwiroáriro nání ²⁸ ríwamiñí eníiná Bikwíyo niriniri eáníñí rípi, “O íwí yarigíá tñi nawíni kumixigíárini.” riniñípi xixeni imóniñinigini.

²⁹ Ámá Jisasomi mini mini nimúroayiro ikayíwí numeariro payí niwianiróná miñí kiríkirí nimeaayiro re rigíawixini, “Re riñoxirani? ‘Niwaníñoni aní ridiyowá yarigííwá nipineari gí niwini síá wiyáú wiyimi ámi mirimíárini.’ riñoxi ³⁰ ení neániri jíwaníñoxi ení niyoárimí wepínei.” urayaríná ³¹ apaxípániñí imónigíá xwéowa tñi ñwí ikaxí eáníñípi mewegíáwa tñi eni ikayíwí numeariro re rigíawixini, “O ení neániri ámáyo arirá wiago aí xewaniño arirá minipaxírini. ³² Ámá yeáyí neayimixemeanía nání aríowayá xwíá piaxíyo dání iwiaroní ro Isirereneýá mixí ináyí riniñí royi íkíáyo seáyi e dání niyoárinimi wepíñíagi siñwí niwiniranénáyí, diñí wikwíroaníwini.” raríná ámá Jisaso tñí e midimidáni yekwiroárigííwaú eni omi ikayíwí axípi umearigíisixini.

Jisaso peñí nánirini.

³³ Ayí e néra núíasáná enáná rixa 12:00 ikwawedí imónáná re eníginini. Aní nimini síá niyináriri síá niyináriñisáná síá tñi 3:00 dání ámi wía ókíáná re eníginini. ³⁴ Jisaso ríaiwá ení tñi niriri xegí Xibiruyí píné tñi re riñinigini, “Eroi, Eroi, rama sabakitani?” niriri aga píné “Gí Gorixoxini! Gí Gorixoxini, pí nání emi nimóini?” urarigíapa Xibiruyí píné tñi e ríagi ³⁵ ámá e rówapigíá wa aría niwiro re rigíawixini, “Ai! Rixa Gorixoyá wía rókiamoagí mipé anínamí peyiño Irajao nání ríaiwá rarini.” niriro ³⁶ ámá wo írikwí nimeari iniigí wainí níái yariñípimi igíá neari wegwíá wá tñi ayiñwí nikiroárimáná wegwíáwámi nimaxirimáná o bi niniri siñí oeniri nání seáyi émi niwimixániri re riñinigini, “Irajao omi íkíá tñi ení oniñí niyoari nimeámi wepínini anínamí dání weapinirfeniñoi?” ríagi ³⁷ Jisaso ríaiwá ámi bi ení tñi nirimo diñí niyámiga uñinigini. ³⁸ Diñí niyámiga úaná rapirapí sepiá aní ridiyowá yarigííwá awawá ñwíá tñímini epanioárininú áwini e axowárininigini.

³⁹Porisowayá seáyi e imóniño Jisaso nipearíná símimañímíni nirori Jisaso péagi niwíniríná dñj niyámiga e úagi niwíniri re riñinigini, “Ámá royí neparíni. Gorixomi xewaxoríni.” riñinigini.

⁴⁰Apixí wíwa eni Jisaso péaná ná jíami nirómáná siñwí winarogííwa wigí yoí ríwaríni. Mariaí —Í añj yoí Magidara dánjiríni. Í tíni apixí Mariaíyi riniñj ámi wí —Í Jemiso onaxomi tíni Josesomi tíni xináíríni. Í tíni ámi wí Saromíyi riniñj tíniiríni. ⁴¹Íwa Jisaso Gariri piropenisíyo emearíná númi nuro arírá wigííwaríni. Ámi obaxí wíwa eni o tíni Gariri dáni Jerusaremi añjyo náni bigííwa Jisasomi pikiaríná jíami dáni siñwí winigíawixini.

Jisasomi xwíá weyárigíá nánirini.

⁴²Rixa síapi tíni síá ayi Sabaríá náni amipí pírániñj imixáragííayimi ⁴³Aramatia dánj Josepo —O Judayí mebá seáyi e imónigíá woríni. O Gorixo xwioxíyo mimeámí neri pírániñj umenñweanía náni dñj níkiyayori weníñj neri ñweañoríni. O masísíá miwí dñj síxí nínimi émayí gapímaní Pairato tñj e náni nuri éí nirómáná Jisaso piyo náni “Anani omeámíni?” nuriri yariñj wíáná ⁴⁴Pairato Jisaso rixa ría péiniginiri “Porisowami meariño obíni.” niriri poriso rixa báná yariñj re wiñinigini, “Jisaso rixa ripéiniginí? Sini mipepa réiniginí?” nuriri ⁴⁵poriso “O rixa péiniginí.” ríagi Pairato aríá e niwiri Aramatia dánj Josepo Jisaso piyomi xe omeaniri siñwí winíagi ⁴⁶Josepo nuri rapirapí apíá wenj wú bí neri nimeámi nibiri piyomi niyoari nimeámi niwepíniri e nitimáná wigí yariñjápá xopixopí níróa numáná xwáripáyo náni nimeámi nuri —Xwáripá ayi siñjáo óí rixáriníñjiríni. Ayimi nitimáná síñjá xwé wo mimegwinárí niméra nipuro óí mañjwámi rití neríná éí ráráriniginini. ⁴⁷E yaríná Magidara dánj Mariaí tíni Josesomi xináí Mariaíyi riniñj tíni “Jisaso ge tipíríreoi?” niyaiwiri siñwí winaxídígíisixini.

Jisaso ámi wiápínimeañj nánirini.

16 ¹Sá wegípaú Sabaríá ayi rixa pwéáná síapi tíni Saromí tíni awí neániro wíapi tíni piyomi waráyo xópé wiaúwaniginiri íwa werixí dñj nañj eariñj bí bí nero nitiro ²sá wegííwa Sadéyo wía móniñómi niwiápínimeámi Jisaso xwíá weyáriníñe náni nuro rixa sogwí xemónaparíñagi níremoríná ³wiwaníñjwa re rinigíawixini, “Ámá gowa síñjá óí mañjwámi pírono mimegwinárí neaiipíríreoi?” niríniríná ⁴weniñj éíayí winigíawixini. Síñjá aga xwéó aí rixa mimegwinárí niniri óíyi siñjání iniñagi niwíniro ⁵añwi e nibiro óíyimi nipáwiro weniñj éíayí winigíawixini. Añjñají wo rapirapí apíá wenj sepiá wú niyínimáná daiwo éí ñweañagi niwíniro ududí wíagía ⁶o re uriñinigini, “Ududí mepani. Nioni niñjíríni. Sewayíne Nasareti dánj Jisaso, íkíáyo yekwiroárigíomi siñwí winaniro bariñoi. Sini re miweníni. Rixa wiápínimeáiniginí.

Omi tigie anía rí imóniŋagi winípoi. ⁷Rixa nuro wiepisiŋowami tñi Pitaomi tñi eni áwanj re urémeápoi, ‘Jisaso Gariri piropeniŋyo nání xámi seameaníárini. Xewanijo seariŋipa xíomi e siŋwí winípíríárini.’ urémeápoi.” uráná ⁸íwa nipeyearo xwáripáyo pñi niwíárimi éí nuróná enj óí ero sirí pikíniro nero wáyí nikáriniro nání ámá wíyo áwanj murí éí ugíawixini.

Jisaso Mariaími siŋáni wimóniŋí nánirini.

⁹Jisaso Sadéyo wía móniŋími rixa niwíápinimeámáná nuri Magidara dánj Mariaími —Apixí í Jisaso xámi imió ími diŋj xixéroarigíá wé wúmi dánj waú mixí umáinowáriŋirini. Ími xámi siŋáni siwá winíagi ¹⁰í nuri ámá Jisaso tñi emeagiáwa o nání diŋj sipí niwiri nání ámixíá yariŋagiá niwímeari Jisaso wiápinimeái nání áwanj nuriri ¹¹re uriŋinigini, “O rixa siŋj enagi siŋwí winíini.” uríagi awa aría niwiro aí diŋj niwikwíro “Nepa neararini.” miyaiwigíawixini.

Jisaso wiepisiŋí waúmi wímeaŋjí nánirini.

¹²E nemáná enáná xegí wiepisiŋí waú Jerusaremi pñi niwíárimi anj wíyo nání waríná Jisaso xegí wóniŋj nimóniri wímeáagi ¹³awaú eni nuri wiepisiŋí wíami “Jisasomi siŋwí winíwii.” uríagi awei diŋj niwikwíro “Nepa nearariŋi.” miyaiwigíawixini.

Jisaso wiepisiŋí wé wúkaú sikwí womi wímeaŋjí nánirini.

¹⁴E nemáná enáná xegí wiepisiŋowa wé wúkaú sikwí wo awí neániro aiwá naríná Jisaso siŋáni siwá niwiniri awa sini diŋj miwikwíró ero diŋj kíkími imóniro yariŋagiá nání mixí nuriri re uriŋinigini, “Ámá nioni niwíápinimeari ámi siŋj enagi siŋwí ninanimi nibiro áwanj seariáyo aría niwiro diŋj miwikwíropa pí nání yariŋoi?” nuriri ¹⁵re uriŋinigini, “Xwíá rirí nirímini ami ami nemero xwíyíá nioni nání yayí seainariŋipi ámá niyoni áwanj urimérixini. ¹⁶Ámá giyí aría niseairo nioni nání diŋj ninikwíro wayí meáiáyo Gorixo yeáyí uyimixemeaníárini. E neri aiwi ámá giyí nioni nání diŋj minikwíróiyí xwíyíá meárinipíríárini. ¹⁷Ámá nioni nání diŋj nikwíróiyí wái nurimeríná Gorixoyá diŋjyo dání emimí ripi epíríárini. Gí yoíyo dání ámá imió diŋj xixéroariŋíyo mixí umáinowáriro píné ámá wíyá majíá aiwi Gorixoyá diŋjyo dání wigí pínéyo dání uriro ¹⁸sidiŋíyo íá nitamixiniríná sidiŋj niwori aiwi mipé ero iniigí ayái iniŋipi niniri aiwi mipé ero ámá simixíyo wé seáyí e nikwíáriro nanj imixiro epíríárini.” uriŋinigini.

Jisaso aŋínami nání peyiŋí nánirini.

¹⁹E nurimi Jisaso Gorixoyá diŋj tñi aŋínami nání nipeyiríná ámi o tñi xixeni nimóniri nání wé náumini éí ŋweaŋinigini. Éí ŋweaŋáná

²⁰awa nuro Jisasoyá xwiyíá ami ami nurimeróná áamá “Nepa nearariŋoi.”
yaiwipíri náni emimí eni Áminá Gorixoyá diŋí t́ni niwíwapiya
wagíáriní.